

Aitapoet Nako Patumo

Jeffersonville, Indiana, USA

60-1204E

1 ...Kwape ajaar Onac Neville ainakin alimonoreta ngun, ebe abala Onac Moore apaaran kaya, kinera nuka Emoyo loka Ejakait, ebe, abu kolom toma...alomuni toma aduketait. Abala ngesi ebe "Abu Ngol kopoloor kotoma kanen kiton neabu eong kaomooma ebe adolu Aurupoorio kiton eong angolengol, abu eong kaany luce iboiete kangina," ebala ebe, "mam, mam ber ebunit, 'naarai arai-arai eroko kesi ejaas ne." Kwangin icesawan emina Emoyo Lokalaunan loka Ejakait ajokunar mamawok koipone kangol.

2 Iyalama isio noi ajaun kede ipapero luipu luiseseni isio kotoma aduketait. Ipu noi kanu aitam alimunun. Abu eong kamisiik, elomuni kokek, Onac Carpenter, etunganan loabu kitewen sio epete aberu kede eong nepepe. Onac Carpenter, araun ngesi arereng naepol mamawok kane kotoma okanisa, ido araun ngesi arereng mamawok koipone loka aijaanakin, ido elimonokini kadio, noinoi nginiboisit kere. Ido iyalama oni ajaut kede nges toma, oo, ice luipu.

3 Kwana ejai aingiset ace ne naponi koinakinai eong akuar natubor:

Onac Branham, abekon nubangiok nuka Matayo 25 imarakinitai kwape aatongot naka Imo? Amisiikinit eong ebe abekon akany nubangiok aponi kitajarai konye ejai aitor toma apak naka areo naepol? Biai kesi epedorete koraas amerekekin nuetiakunio kama ejaas akinei kotoma Matayo 25:33 ka 34?

Erai esisisan loka ediini loajokan kotupitete nu...[Aiboisit naemamei ibore ateepu-Ekewa.]...aomit eong da ngipengin, ebe eraas kesi aatongot ngin, erai abekot naejotoi aatongot naineritai kotoma Apukokinio; luka aur naka aberu luericitos aicorakineta nuka Edeke ido kojaatar kajenanut naka Yesu Kristo. Elemuni aberu a-etubuni aberu egoe kosodi aiperikin ngol kwap; ijeni ijo, kwana, ngol nges loejai ngesi aitub...arai alemun ekepitene kosodi aiperikin adioiboisit naipuda ngesi, eipone loelosio ngesi aitub ngol. Kosodi do loideun ngesi enyaritai aatongot, konye esekuni ngesi aitub ngol kotoma owai ece kanuka aomisiokie alopet nuka ailajaara. Konye loideuna enyarao aatongot.

Kwana, arai kimisiik ijo, ajaas abekon akany nuabangka ka akany nukacoa; kesi kere araas abekono; nuasubunitai kobore idiopet. Konye, kanuka aseunio, abu Edeke koseu Aketeran kanuka aseunio eroko apetetait naka akwap, kosodi aibwaikin ikecekiroria Oitaabo loka Imerekek loka Aijar yen aponi koarai eroko kepesikina apetetait naka akwap; eroko akwap kegeunia, Edeke kotoma Aomisiokie, kwape araar loajeni kere.

4 Kwape kitosoma oni akirot kacepak, nges "Ainerunet sek," konye erai cut aikajakinet kotoma atur kana naka ekanisa naijari oni kotoma. Arai cut kaitebeikin ibore yenapol yenetwasamao kotoma apaarasia nuka luaario kanuka aiyuun, 'naarai abeit cut eyuunitos kesi ngin. Konye ekunya awai kama ejai Ngin kwana, kiton neejasi aomisio nuka luikisila, aisisianakin naka luikisila kokanisa loabu kobu...Nape da arai ibore yenajok, naarai ngin kere adaunit alosit owai loka aisisianakin aitajario kanuka asianut bon naka Calvin ko England kiton nemam bobo kesi ajaatar kede aisikwarunio, kosodi John Wesley abunore elimonokini aisisianakin naka Arminian naka apedor naka asekun naka etunganan nabu kitiirian ngun. Ebuni duc Edeke aitiirian ngun.

Kwangin do abekon nubangiok araas nuamameotor akinyet kotoma ataalaikec, lueyuunit eong ebe aponi kocakarai kinga toma amuton nejai elulu, aimony ka airiamanakin ikel. Ido arai itirian ijo ngun, arai akirokon nuiwadikatai kwap naka apapula, inyakari ngin cut kiton ocan luipu. Ido erai aisisia naepol kanen, karai kojai oni apak alosit tomake. Arai ijo...

5 Kwana, kiitu, alimunit eong kotoma ageunet, neipupunia ijo ateepun, "Eraas bon iboro lu koipone loeyuunitor eong kes araut lukabeit." Iany ijo? Kwana, arai ibucara, mam eong-mam eong ajeni ebe eraasi. Eong...Ido apedori bon eong alimun nueyuunit eong. Ido mam eong apeleikinit aimusung aomisio nuka idiotunganan. Ekoto oni aibwaikin ngun awai nakibunio oni toma, kasodete ayangar ibore yenejakai einer, kasodete aingic ngin, kasodete aanyun arai teni erai Naiwadikatai arai mam. Ngol nges eipone lokajokan kakere loebeitor aswam. Kwangin...Naarai kotoma apaaran kwape kana ijaria oni kotoma kwana, kotoma akwap naepieitai irwan ido irwan, irwan ido irwan kede iponesio luka iboro kere, eebo, etiono ainakin itunga aikamun ngin, bala kwape ejaar kotoma aiboisit namam egeitere. Kilimok ijo kes, iyuunete, eipone ngol elosio iingaren.

6 Konye, kwana, ebuni idiopet kede aomisioit *na*, kosodi ice abunore kede aomisioit *na*, ido kijaatar oni kede ikanisan luka idiinin nepepetai akwatakany kaongon ka icebore luegelegela, ido ngolidiopet itegelikina (aisisianakinike) kanejai loce; ido iburai kojai yenibucarit, ka icetunganan yenedolit. Kwangin kwana aitogogongoret bon erai, erai ainyakun ngin neejai Ebaibuli; itei ijo, koinak Ebaibuli. Kwana, irwanapu, ibwaikinete itunga akecejulunet ikulepek. Konye itamit oni nuipedori kere mam aibwaikin aijulunet adio naka itunga tomake. Aisiom bon Ngin kwape ejaar Ngin, ka atemar ebe, "Koipone kangol nges ejaar Ngin."

Kosodi aanyunun duc eong, arai kiyanga ijo nuabala Ngesi, abuni ainakin nginibore kere erucokin cut

becebec kotoma Kanuiwadikatai. Eputosi nepetai bala abolia naka ainapinap iboro nepepe kiton aiswamaun aput, ejai ijo asesen eipone loibwanakinitere eroko ijo inapanakina iboro nepepe ejok. Arai mam ijo iswamai ngun, etapit duc eong alimunun ebe, "Ibuni ijo ajaun kede e...Kotoma aiboisitikon, ibuni ijo ajaun kede akiteng enyami anya okuju okitai." Kwangin-mam ngin-mam ngin etakanuni erai naedolit.

7 Ido arai bon kicamak oni Emoyo Lokalaunan...Ingai ewadikai Ebaibuli? Emoyo Lokalaunan nges engarenikinit itunga kosodi aiwadik Ebaibuli. Kwangin arai emamei Emoyo Lokalaunan, mamace arai isiomi ijo ejok biai, mam ijo ibuni amisiikin ngin cut. Naarai karaida abu Yesu kisiyalamik Edeke kanu aimunon Ngun kakonyen nuka lukacoa ka luka aijen, kosodi apukokin idwe ludidik luepedorete aisisia. Ido kangolidiopet kotoma ikesisiak keraas itunga lumam esisiatos arai mam asiomitos dimarai ediopet, ido ngol nges Paul. Ido abala Paul ebe abu koraun nges aimurwokin kere nuajeni ngesi kanu adumun Kristo. Kwangin abu ngesi kolimok ekanisa loka Ikorinton, ngesi "mam abu kobu kacoa naka itunga keiner loijodoi," naarai kwangin ti akeceiyuun-akeceiyuun keraun kotoma acoa naka itunga, konye abu ngesi kobu kotoma apedor ka aitodianareta nuka Emoyo Lokalaunan, tetere akeceiyuun esipokin toma aswamisio nuka Emoyo Lokalaunan kwa ejaar kotoma Akirot naka Edeke. Ido nen nges itamit oni aikunyakim osiepike, kwape kwana, naarai eroko esabiiti engetakina, arai eroko apak naka esabiiti engetakina, ibuni ijo aanyun, ngin nges naerai ngin cut becebec, iusi ngin yenididi yenijesuna anatar atur kere.

8 Eyalama kanu aiyatakin aikiar abao kuju mot. Etakani kwana ngin ejok cut.

Kwana, oo, oni...karai ti oni kajauna kede ngin akamu kere, tetere oni ilemuni Eitabo kere loka Apukokinio kasodete aitor angetakin Ngin. Erai aisisianakin naejok noinoi kotoma kanen. Ido eitunit eong, aomit eong bala arai nen ikar akaisaarei kau arai akaisaarei ka lukany, nape eroko ekanisa itetet, apotu oni kageutu adiopet...alingakin aiporo adiopet, ido abu kolot nepetai kiton aiporo natupakini, angetakin Eitaabo loka Apukokinio.

Kwana, eitunit eong alemunitor eong Eitabo loka Yob. Oo, Onac Wright! Abu eong eboi kotoma kangol adaun aojau kiton kawasia abu aceberu kiwadikak eong kosodi atemar, ebala ebe, "Onac Branham ijo mam ilosi alemar Yob kotoma otut kangol loka ekurwon?" Eebo atamit eong aitacaun ibore, 'naarai nen cut nges aburitere nginibore kere, aiboisit ngin; kiton aiboisit naejai aiboisit nadoikinio Emoyo loka Ejakait nges, ido neageunia ekiptei aimiliaunun kosodete agirokineta airurumaun, abu Emoyo Lokalaunan kobu neejai Enabi ido abu ngesi koany abunore naka Ejakait. Ido abu eong akoto yesi aikamun ngin, ngin nges apolou abu eong ketasalikinitor nges otut adaun aojau naepol, kwangin-kwangin tetere oni ipedori adumun ibore. Ido ajeni eong ebe aticepak epedori korai nakitapaasari mot, ace. Eburuni eong, da, neapupuna eong icetunganan ebolianar kanuka icebore, esubit bala ti nges kelot iingaren kosodi aitebeikin ngin. Konye aticepak ejai Edeke ingarenikinit itunganan kanuka alosikinet kanuka ngun.

9 Kwana abongor mama ejai aatongot na, eroko oni kejalakina aingiset. Amuno eong ebe adumunit eong ngin ejok. Na...eyuunit eong ngin, ebe aatongot ngin erai Edeke eseunit. Eyuunit eong-eong ngin, ebe abu Edeke koseu aatongot ngin eroko kepesikina apetetait naka akwap; ido kanuka "AijenieKe nasek." Mere akirot ya...Kwana kosesen *luenerunitai sek*, itei ijo, naarai erai akirot naeninik mot akidingos naka itunga. Iany ijo? Konye Edeke, eroko kepesikina apetetait naka akwap, kotoma aomisioKe nukapolok nuemamei eikor, abu koseu Ekanisa, abu koseu Yesu, koseu Ekanisa, ido apedori adwarun kotoma ageunet nuapote ajaun kawasia. Ngesi...Arai erai Ngesi loejeni awasia kotoma ageunet, amamei do ibore yenimam Nges ajeni. Ajeni Ngesi ngolicucut lokebeit ajaun toma akwap, ka irwan imwasi ai ebeit airwakanakin akekonye. Kwana, koipone kangol...ido akiyo nu etiasi ai abeit aitolomun, ka nuabeit itunga kere aitolomun nepepe. Ngol loemamei eikor loka aijeneKe. Erai aijen iboro kere; ijo-ijo...emamei eipone loebeitor aitetemun Ngin. Ido Edeke, ngol nges loerai Ngesi, Edeke loemamei eikor loka aijeneKe.

10 Kwangin, arai kimisiik ijo, abala Ebaibuli ebe kotoma apaarasia nukawasia ebe abeit lokasurup loka kristo abunore toma akwap...

Kwana opupok ejok! Ngin bon nges amunaun...Aomit eong ti nges kedumu imilionin kotoma kanaka. Konye kaneejai Onacewok loketiai Billy Graham, kapaaran kaya, aisisianakin ngin naejenara naabu ngesi kolimonok kasabiti kaya, ido aomit cut eong ebe arai aisiiraret ngin toma apak. Ido...konye abala ngesi ebe "Ingalangalai Satan Luseuna da."

Mam, abala Ebaibuli ebe, "Ti Nges kitapa Luseuna da karai epedoros." Konye mam epedor, naarai abu Edeke koseu kes eroko apetetait naka akwap. Iany ijo? Imerekek, Yesu Kristo Nges arai Imerekek yen aponi koarai eroko kepesikina apetetait naka akwap. Ibwaiki Edeke toma aomisioKe, nekelimunio Ngesi Akirot ngin, mam ijulakin, mam cut epedori abelokin. Itei ijo, naarai erai Ngesi-Ngesi-Ngesi Loemamei eikor loka aijeneKe, ido Akekiro epote aitodolikin.

11 Koomoom ber ijo, ngipengin...akwap naiboie oni kotoma atiibong na erai Akirot naka Edeke itodiaritai. Ilungulungitai akwap kede iboro lumam etakanete. Abu Ngesi kolim alimun bon, "Kojaun," kojaun ngin. Epatana bodo biai Edeke aitungaleun akuan naedeka, arai apedori Ngesi aiduk isuban koipone kalo alimun ngin, itei ijo, Akekirot. Karai bon oni kapedorete adumun aiyuun tetere aanyun ngun nuerai Akekirot!

Iyenikina oni noi toma akwap ido imakakina oni noi kotoma aomisiowok kiton ebe oni...Oo, mam eong ajeni. Ecumanakin oni aisanakineta nuipu noi, na kanejai lo, nat kanejai ngol, ido-ido adoloki toma aiboisit na amojirikinor ngin. Konye korai bon ijo kopedori ajarakin iboro kere, abongun ajenun ebe erai Ngesi Edeke, ido mam Akekirot ibiror. Ido arai ibiror Akirot ngin, akepolou ebiror Edeke; ido arai ekurwoki Edeke kanen... mam do Ngesi erai Edeke. Iany ijo? Kwangin...Ido kiitu ijo, mam Ngesi epedori alimun ibore idiopet kane ido icebore kalailo; ejai Ngesi asalakin kede aomisiwit nasodit kanu araut Edeke. Kwangin kojaun bon...

12 Ido abu Ngesi kilip oni ibore idiopet bon, aiyuun ebe nuabu Ngesi kolim erai Abeit, ido ebuni Ngesi aitodolikin ngun. Oo, ibus biai! Imuno ijo ibore yenikaumokin aiswamaun; acepakio eyangaikini iyuun yenedit. Mam ebuni aiswamaun, nukaumokin konye arai kidongakin ijo tomake, kitolomuni ijo kinga; kosalak iboie kede ngin. Kwape abalar Ngesi, "Icokat yenekaradali, icokat yenididi kakere kocok." Konye ijenunitor ijo, mam icokat yenekaradali inyalakinos kede idiobore, mam ijo ipedori ainyalakin ekaradali kede idiobore, mam ecamuni ainyalakin. Ido arai ijaatar ijo kaiyuun, iyuun yenedit bon da mam ecamuni ainyalakin kede amamus aiyuun adio arai edioinono loka ekanisa, arai etal, kosalak ibwoi kede Edeke, kosalak ibwoi kede Ngin, ebuni aitolomun ijo cut kotoma olisina, elemuni ijo kinga cut. Eebo! Kosalak kede aiyuun ngin.

13 Kwana, ageunet, neabu Edeke...Abala Ebaibuli ebe, kotoma Apukokinio, ebe "Lokasurup loka kristo, kotoma apaarasia nukawasia..." Kwana kosesen ikanisan lu kere ejaas aimorikikin nepepe. "Lokasurup loka Kristo, kotoma apaarasia nukawasia, ebuni aitapaar kere luajaas toma akwap lumam ikecekiroria ewadikatai Oitaabo loka Imerekek loka Aijar ageun eroko apetetait naka akwap." Iwori bo ebwaikinere ekonikior Oitabo loka Aijar? Eringa oni kejauna kede akwap nepetai da, aponi ijo koseun adumun Emoyo Lokalaunan kotoma atur kana.

Emorikikinos eong kede Eddie Perronet:

Aenik eong ekatau toma angopis naka aiyengun,

Mam bobo aikwang angololin nuarokok nuka abunokin;

Epedorete ikwamin aikut kokwap naka aidules,

Konye kotoma Yesu iyuara oni apaarasia kere.

14 Emamei ibore yenepedori aitiak oni (Mam Edeke epedori...mam ebongori kau kotoma AkirotoKe. Ido arai erai Ngesi loemamei eikor loka aijeneKe, kosodi ainakin ijo Emoyo Lokalaunan *kane*, kojoni Ngesi ebe ebuni Ngesi atwaniar ijo *kane*, eipone bodo aswam ali iswamai Ngesi?), arai mam ijo ingalangalauna kotoma amisiikinikon, arai ijaatar ijo kEmoyo Lokalaunan. konye kosesen nuebala Ebaibuli, Ipeson 4:30, "Sirikitakadikis Emoyo loka Edeke, lo kolo ipucakinere kiton..." Aisikwarunio naetupakini? Ngin tope eruo ejok? "Ipucakinitai ijo kiton apaaran naka alakunio!" Adaun aojau anyoin? Kiton apaaran naka alakunio.

Ilem ijo emotoka loka aboogi, ainapakin iboro aboogi, ido edaun ainap ejok...Kwana, mam kesi epedorete agolokin emotoka ber, ejai ekaanyanaran abunore aitor. Kosodi aanyanar, kosodi aanyun arai ejai icebore yenirajiraja yenebuni eijang. Epedori aboogi...Epedori aboogi ileleba ejok, konye arai ejaas aiboisio nuerajakina kotomake, ejai bobo ijo abongokin ainap bobo. Ido ngin nges ationis, namam luipu kotoma kaoni idumuna Emoyo Lokalaunan; neebunio ekaanyanaran aitor, edumuni aiboisio nuirajiraja, itei ijo, kwangin mam Nges epedori aipucakinngol ber.

15 Abu ekesisian loka ediini lokapolon kobu neajai eong apaaran ya, erai mere apaaran ya, adau bala kwana ikaru iuni arai iwongon kau, kosodi ngesi atemar ebe, "Akoto eong aingit ijo icebore." Ebala, "Abu Aburaam iyu Edeke, ido aponi imarakinai nges adolit."

Abu eong atema ebe, "Erai ngin abeit, edolit."

Ebala, "Anu bodo bobo ace nuapedori etunganan ngol aswam adepar aiyuun?"

Abu eong atema, "Nges ngun kere nuapedori ngesi aswam."

Abu ngesi kotema ebe, "Kwangin aibodo ilosi ijo kede akiro nuka Emoyo Lokalaunan lo kinga naka kangin?" Kwana, ijeni ijo arai ngesi loka Baptist. Kosodi ngesi atemar-ngesi atemar, "Aibodo ilosi ijo kede Emoyo Lokalaunan?" Ebala, "Arai iyu etunganan! Edakikat loiyuunia ijo, idau ijo adumun Emoyo Lokalaunan."

Abu eong atema ebe, "Mam, mam. Kwana, ijo-ijo itolomuni ijo aretokin kotoma Kanuiwadikatai, mam Nuiwadikatai eretonokinos bonik. Iany ijo? Abu Paul kingit kes 'Idumunitos yesi Emoyo Lokalaunan anyoun nakiyuuniata?'"

Kosodi ngesi atemar ebe, "Eebo..."

Abu eong atema ebe, "Erai abeit ebe abu Aburaam Papa loka aiyuun koinak...ajaatar ngesi kaisumunet naka Edeke ido abu iyu Edeke, ido aponi kimarakinai nges adolit, konye abu Ngesi koinak ngol aipucet naka akepio kwape aanyunet ebe abu Ngesi kocam akeiyuun."

16 Kwana, arai mam Nges ipucakinit ijo kede Emoyo Lokalaunan ber, mam ber Ngesi ecamunitor akoniyyuun kotomaKe, ijaatar ijo aceiboisio nuirajiraja. Iany ijo? Ipedori ijo aiyuunit, eebo, konye ejaas aiboisio nuirajiraja. Konye neitemokina ijo aiboisio kere nuirajiraja ainapakin ejok, kwangin ipucakini Ngesi ijo kede Emoyo Lokalaunan kiton apaaran naka alakuniokon. Ngin nges aitogogonget naka Edeke ebe acamu Ngesi aiyuun naibu ijo kolimo mamaKe.

Abu Aburaam kolimo aiyuun, kosodi Edeke atemar, "Abuni Eong ainakin ijo aanyunet kwana ebe ijo... ebe acam Eong ijo." Ido abu Ngesi koinak ngol aanyunet naka akepio.

Kwana, neidumunia ijo Kristo kwape Ekonitajaran kosodi aiyuun Nges kosodi ailip Nges aitalaun akonijar, kosodi do nebongunio Ngesi kede Emoyo Lokalaunan, kwangin kipucakinio ijo kiton neilakunere ijo.

17 Aboogi na kane, arai irajiraja akaulo na adaunere ainap iboro toma kere nepepe kosodete kesi agolokin ekek kosodete kesi aibwaikin aipucet tomake, ido ngin erai-erai ngin naipucakinitai kiton aiboisit naelosi ngesi, kitisilarete ijo atukono nuitoloseite iboro kitwasamaete erot loka agaali adaun apak naka aijarakon kanu aibwang aipucet ngin. Mam ngin epedorio aibwang. Ipucakinitai kiton nebeit ngin adolore; mere kanu idiotunganan kere yenejai orot apukor kosodi aireikin tomake, kosodi aingic ka airere adaun, kosodi acakun iboro idis kinga, kibwaikini icebore toma. Mam, mam!

Etemari ekanisa *lo* ebe, eebo, aisisianakin ngin, "Mam *na* ejok, mam *ngin* ejok." Keinaki Edeke ijo Emoyo Lokalaunan, angetakinis! Ijeni ijo neibwoia ijo, ijeni ijo nuapotu kiswamaunos, ido kipucakinitai ijo cut kiton apaaran naka alakunio, akoniboisit naibwounia ijo kotoma alosit naka akwap kana. Oo,ikatunga! Ibusakinit ngin koinak nginitunganan kere ajaun kede aiyuun acamun Edeke, konyou kuju kotoma apedor kotoma Omoyo Lokalaunan.

18 Kwana, abekono nu mam apotu kodumutu Emoyo Lokalaunana, (Iitunit jo?) ibore idiopet bon yenamameotor kesi nges akinyet kotoma atalaieck. Ngin erai naedolit? Abala Ebaibuli ebe itupusit akinyet, "Emoyo Lokalaunana," ngin nges apolou kinyonyoanakinia oni lukadekak kede akinyet, kaceda, naarai erai aitupuset naka Emoyo Lokalaunan. Kwana, kosodi do ara-arai mam Emoyo Lokalaunan abu kodoik kes, amameotor do kesi Ngol. Ido neabunio Ngesi, apotu kotemasi ebe...Kwana, nejaas abekono nuamameotor kede akinyet, ebalas...

Iany ijo, abongunitos kesi toma atur naka ekanisa; ajaas ice kotoma kakesi kotoma kangina luaraas itunga lukajokak konye mam ajaas toma Aica naka aacerit, nuapeleikinit eong, kede eusi ilumokinitai toma akinyet. Itei ijo, ido ajai kinga. Adaunit alomar kinga, adaunitos atiakar akecewat. Abala Paul ebe, kotoma apakike, "Apotu kotiakaros kamawok, asubitos bala amemeotor aiyuun," Itei ijo, ido apotu konyoutu kamakec, "Apotu konyoutu kamawok naarai mam araas luwok." Kwana, abu kogeu kokau kotoma atur nasek naka Epeso kosodi aijesun kwap kiton atur na lolo. Ibore ngipengin, kanginidiopet kotoma aturio kangun, nuapotu kiswamaunos kotomakec apotu kilapunon kiton aturio nu kokwap kane. Kilosi oni alomar toma kangun kotoma aidules kotoma apak naedit.

19 Kwana, komisiik ebe abekot na, karaida, abu ngesi kolot aiboisit najai aimony, elulu ka airiamanakin ikel.

Mere ber eong kalim na, opaperoka loketiai lominat; naarai duc kotoma atur naka ekanisa kane, neabunio eong ne, abuni eong ne kasodi ajaun kede aijaanakin naka aitangal ka ailipanakin lukadekak, kasodi anyoun atubor akwap ace aiboisit ace. Konye na nges apak, ajai lem eong alimonokini yesi adaun aojau naepol, kolema aomisiokon. Kwana Ikoto oni-ikoto oni abunore kasodete araut lumunon ka lukabeit kede idiopet ka yenice, naarai kijai oni apaaran nakawasia. Eebo!

Kwana, kanen nges apotu yesi luka Nazarenes ka Pilgrim Holines luketiai kibirorotor kokwap naka aitalaunio. Iany ijo? Kwana, ijo ijeni lem ebe abu Judas Iscariot kojar ejok kiton aiboisit ngipengin? Eyuunit Yuda Ejakait Yesu kwape Eketajaran, kocamunite Nges kwape Eketajaran. Ido aponi ngesi da kitalaunai. Aponi kitalaunai, kotoma Yokana 17:17, neabalar Yesu ebe, "Papa, kitalau kes kotoma Abeit. Akonikirot nges Abeit." Ido arai Ngesi Akivot. Edolit!

Kotoma Matayo 10 aponi kes koinakinai apedor aitangal lukadekak, aitajarunun lukatwak, airengearar ajokin. Kosodete kesi alosit aiboisio nuka-nuka akwap kosodete airengearar ajokin, kosodete abongun elakanaros ido kocelanos ido ituritos Edeke. Kosodi Yesu alimokin kes ebe, "Mam iyalamikinos naarai ebe arimaasi yesi ajokin, konye kiyalamikinos naarai iwadikatai ikusikiroria Oitabo loka Aijar." Ngin edolit? Ido ajai Yuda kede kesi, ajai Yuda kede kesi, konye arai ngin ekaru ediopet kede ilapio ikanykape eroko Yesu ibubukina.

20 Kwana, kwangin neadolio Pentekosit, kanu Yuda adumun Emoyo Lokalaunan kaceda, abu ngesi kitodia

ekepone. Abu ngesi-ngesi konger Yesu, kosodi araun ekabilakanan Ngol ebotet. Ido nen cut becebec ngesi abunio emoyo ngol; cut kiton nejai Luther, Wesley, abu koyangau ekanisa ngol cut kiton aitalaunio kede aijar naka abekonut (Itunga luipiororoete, kidetara, kolaete, kibusiak, luejokuka kakere luidumunitor ijo), konye needolokina ne...nelosioto kesi einer kotoma angajepa ka adumun Emoyo Lokalaunan, luka Nazarene, Pilgrim Holiness, Methodist luilajaara, kotemarete ebe, "Erai ngin ajokit." Ido nen toma nges kiinyanakinatar yesi Emoyo Lokalaunan kosodete agolor akusiwat awai ikar kere; naarai yenelimuni akirot adiofet asurukin Okoku itimio, konye yeninera asurokin Emoyo Lokalaunan mam itimio cut."

21 Kiitu ebe, ikiyakia kere apotu kinerata kotoma angajepa. Abu Yesu Kristo kotwana inera kotoma angajepa. Uh-hum. Kwangin arai mam ijo ipedori aiswamanar kede kesi kane, araut yenijok mamakec kane, dobodo kalaije? Mamakec...arai eraas lu ajokin, araas do kwi da. Aso ijo kiany ebe ngina nges abu kitodiara ekepone? Kangina kobuni abekot ngin, kolai kwape kanuce kere, aijar naipiororoi. Abuni eong alemun Nazarene lomojong, ka ikanisan luka Pilgrim Holines, lu teni eyuunitos aitalaunio, mam ijo ipedori aitoron akeceijar; alaete ejok kwape apedoriata kere. Erai ibore yenikajokan ebe ti oni kere ikoto kwangin. Edolit ngin, ebeit ijo ikoni nen.

22 Kwana, ijeni oni ebe kijaar oni luipu kotoma luka Pentekosit kwape luitupusete. Erai ngin abeit. Konye nape ianyunia ijo dollar lomam erai lokabeit, ekoto ijo kojoni ebe esubunitai ngol kama ejai lokajokan, lokabeit obe. Edolit ngin. Ido ejai-ejai Emoyo Lokalaunan lokabeit, Lokabeit cut loinera kotoma angajepa ido itodianari aanyuneta ka nukaumokin, ido ajaun kwangin ageun ko Pentekosit kobuni kwap. Kwangin ejai oni ajaut kede luitupusete. Ejai oni ajaut kede aberu naronon namam ejok, kanu ainakin aberu obe nakabeit aideleleun. Ekoto oni kajaas kede apak naka akuar, amuton nairionon cuc, kanu aitoduun ebe ibus aica naka akolong. Edolit ngin. Ido ekoto ijo adekakin, kanu ainumunum angaleu. Aso erai ekisil loka acamun ka aitepeg; ido erai-ido erai duc kwangin, ido ebuni duc araut lwangin, bon ebe eroko apak ejai.

Kwana, do, nen nges abu ekanisa ikunyakinia kuju.

23 Kwana Yesu mam abala ebe, "Kotoma apaarasia nukawasia," kotoma Matayo 24, "ebe epote imoyon lu iarei aput noi kiton naitapaariata Luseuna arai epedoros"? Uh-hum. Konye ngin yenaponi koseunitete ageun kapetetai naka akwap ejaas kede Aijar Namam Edaun. Aijar Namam Edaun, mam ijo ipedori alamar ngin. Erai Namam Edaun kwape eraar Edeke, mam bobo ijo ipedori apalar ajaut kwape mam Edeke epedoria apalar ajaut. Edolit ngin. Naarai irai ijo atutubet naka Edeke, irai ijo okoku ka akoku naka Edeke, adaun aijulakin akonijar ido irai ijo atutubet naka Edeke, ijaatar ijo kAijar Namam Edaun. Oo, amina eong Nges. Dobodo ijo, mam imina?

24 Kwana, abu icetunganan kainak eong aiwadikaet kane, aingiset. Mam oni ibuni ayangaikin apak naepol kwana kanu abongokin ngin. Ido kiitu, kangolisawa loiperikina ijo aingiset, abuni eong aitam nuatami kere adolokin toma kangin arai apedori eong. Konye arai na aingiset naepol noi:

Akoto Icetunganan ajenun arai erai aibucaret aberu alimun ajenanut, arai awoere, arai ainakin aisiiraret kotoma angajepa, aijulun aisiirareta, arai adwaranut, kotoma Okanisa.

Mam, mam erai aibucaret, erai e...bon ebe elomuni ngin kotoma aiboisit kotoma ainapetai. Iany ijo? Ekanisa ejai toma ainepetait, ido bon nee...Eipone obe, lokabeit loebeitor aswam ngun nges ngul luinerasi kede angajepa ka iboro, akecesiiranareta einakinio koroko aisiiraret nakotut, mere cut kotoma apak kangin; 'naarai ejai Emoyo Lokalaunan elosi anyoun kaiboisit kiton aiboisit kotoma apak kangin, kwape abu Paul kineritor nuke kanen. Konye angor ejaas kede ainakineta naka aidwar, ido ejaas kede ainakineta naka angajepa ka aijul ka nginibore kere konye araut akalimonokinak. Mam kes eraas alimonokinak. Mam ecamakinitai kes alimonokin kotoma okanisan, erai ngin nakabeit, ayangar aiboisit, arai araut alimonokin arai idiobore kotoma okanisa. Konye nuikamunitos ainakineta, ejaatar aberu kangun kere, epedori aibe adiofet arai adio kotoma ainakineta kangun nuka Emoyo akanyikaongon kere kwa ejaar kama ejaas Ikorinton Lusodit 12, ido emamei ekisil loenit ebe mam akeisiiraret abunore kotoma aiboisitike. Iany ijo, kanginisiiraret idareuni akepak.

25 Arai ejai idiopet yeninera kede angajepa, komamei ikejulan, kililing ngesi kiton neejaunor ikejulan. Iany ijo? Ido ainakineta nu einakineta duc nape eringa airiamun kegeuna. Kosodi enabi...arai ekalimonokinan, loerai enabi loka Aitutuket kaNaitetet, ekalimonokinan, neebunio ngesi iingaren, egeuni Edeke aswam kotomake, itei ijo. Ido kedau ngesi kogeunos do aisiiranareta, ace; do, nape eroko, erai duc kotoma ainapeta, duc. Konye aberu ejaas ngesi kapedori.

26 Naetupakini, akoto eong, ayangaikin apak naedit kanu abongokin na, alosi eong aisiom akou naka akirot:

AIYUUNETA AUNI IJULUNITAI NUKA EBAIBULI EDIOPET EGEUNETE. Washington, olap Lokitomonet, 15. Apotu ikesisiak luka Atulik, Prostetant, ka Iyudayan iswamaete kwape etiimu ageutu amorikikina nakitetet naka aijul Nuiwakatai apedori ngol araut Ebaibuli loka ikisila lokidaritai adaun aojau.

Iceboro kotoma kane akoto eong aisisia mot eroko eong itolomuna alimoret kanuke. Acekiro, iseseni

ijo cut becebec nuijai oni einer, cut becebec nuebala Naiwadikaere nuepote aiswamaun kotoma apaarasia kanu, ebe epote iboro aimorikikin nepepe kosodete aiswamaikin etiang aput. Becebec. Apotu kesi kotamata ngin, ido ejaas aswam ngol, ido kwana ejaatar kesi karereng napolon kakere naajaunotor kesi kanu aitolomun ngol, naarai ejai cut akaninikec. Ido ngipengin nges apolou najaar eong ayangaun aisiiranareta nu nuka adwaranut, naarai aomit eong ebe erai toma apak.

27 Ido arai ejai icetunganan yenepedori abongunun kanginikuar, ibuni aitam ageunun sek ka agolokin da sek. Ido arai mam eong apedori angetakin akirot, abuni do eong alimor atupuruc naetupakini. Arai mam eong angetakini asipokinio naka 19, ikokoron 9 kiton 20 atiibong na, ibuni oni agear ngin tupuruc isawan iwongon. Ibuni aitejenikin yesi kotoma agolokin naka aijaanakin, eipone loebeitor oni aswam.

Kosodi do moi kuare kokanisa loka Epeso, ageun, aitor angetakin akuaresia akanyaare: Epeso, Atur naka Ekanisa loka Epeso; ka Sumuruna; ka Perugamo; Suaitira; ka Sarudio; ka Piladelupia; ka Laodikia, Nasabiiti naetupakini.

28 Ido iboro lu lukapolok luketiai lueperete korot, etiono ariebor akakanin kama ejaas kesi kiton apak ngin. Asesen kes asesen kokwap kangina, ka aipup Emoyo edaka akidingos naka otunga, einakini eong eipud lo asomakin toma katipet noi kasodi-kasodi alimun icebore yenikamunit kes; konye erai eong ainapakin kasodi aibwaikin kes toma aturikec ido apakikec. Kwangin arai kitwania ijo abunore kuare, okapakina do adumun ateepe arai eiponece loikamuna ijo ngin, naarai akoto eong ngin alosit aiboisio kere. Ido eswama eong nu naarai ebe apupi eong aingarenikinio naka Emoyo Lokalaunan aswam kwangin; ngin bon nges apolou najaar eong aswam ngun. Ido eong, karai mam eong aomit ebe ti kingaraki ekanisa...Ido kotoma apak kana, kiitu, edodor esawa adolun lomam bobo oni ipedoria ajaun kede airiamununeta nu, ido koto ijo aswam ngun kwape kwana nape erokor oni apak ejai naka aswam ngun. Itei ijo, mam oni ijeni ebe apak anyoin itobwounatar kwi na, kwana.

29 Ido ebuni ajaun aimorikikin akidongos naka ikanisan ido epote aimorikikin nepepe, kanu aiswamaun akou naka aimorimorun naka ikanisan, loijaatar yesi ber sek U.N. nakapolon ejai aiduk ka ngolidiini kere ejai tomake. Ido ebuni araun ijo arai ajaun neejai ediopet kotoma odiinin kalu arai mam airengeario. Ido ngin nges apak naebeitor oni aitodiar eiponewok ka ajenun ejok ebe kijeni oni, mere amurwo, konye EBALA EJAKAIT KWANATA kane ibwoia ijo. Ekanisa duc erai loejai nejaas luikidioko, itukos yenididi noi yen...iusi yenididi, bala iusi yenarengan yeniledo kotoma Obaibuli, konye erai ngol duc Ekanisa. Ido ikoto oni aitun ngin.

30 Kwana alimunet ber adio eroko oni kesioma bobo. Atupuruc na ilemunit oni Apedor naikiara kakere naka Eidekeone loka Apukokinio naka Yesu Kristo, loabu Edeke kopukok Nges mamawok atupuruc na kwape Apedor naikiara kakere naka Eidekeone; AJAI Lokapolon (mere ajai kolo arai ebe ebuni ajaun), AJAI, duc. Ido ianyuni oni ebe kotoma osula lo 1 loka apukokinio, loka apukokinio...Apukokinio bo naka inyo? Yesu Kristo. Inyobo ibore yenisodit epukorit Ngesi Akekuan araut kwape? Edeke loka Akuj. Mere edeke loerai iuni, konye Edeke ediopet. Edeke ediopet, epukoro Ngesi koipone kangol kotoma ageunet naka Apukokinio. Ido inera ngin irwan aongon kotoma osula losodit tetere mam ejaun aibucaret. Ibore yenisodit yenebeit ijo kojenu, ebe: mam Nges erai enabi, mam Nges erai e-edeke lodidi, mam Nges erai edeke loka adoketait nakiareit, erai Ngesi Edeke! Erai Ngesi Edeke. Ido kwangin kanuka ngun ebunio Apukokinio, ido iroko oni inyikokinit kede ngin atibong na kwape idumuna oni adokena akanyaare nuka etungane loka Ekejautene.

31 Ido, oo, kingarak Edeke oni kwape kisisianakinia Akiro nu. Eisia eong-eong-eong ngin kotoma abwoetait naka akiro nukolosek, konye kidareu kiton neadolio eong toma otut ne kanuka aiyengakinet. Naarai apupi eong ebe iboie oni nepepe kotoma aiboisio nukotoma Akuj kotoma Kristo Yesu, ido ebe Ekonimoyo, irai ijo atutubet, amielunet naka Akim (Emoyo Lokalaunan) loejai tomakon ebuni nejai ice, ka ice kiton neejai ice, inokokini Ngol Akuan nakapolon naka Edeke kosodi aisinepikin Ngin agiranun, ido nen nges ejai apukokinio...

32 Kwana, ibore yenijai oni einer nuke, aingiset na engisital eong, "Biai angor...kaceda?" Ibore ngin cut becebec nges abu kogeu aibwaikin ekanisa toma oigur kageunet, apotu kesi kolemasi ayongio kere kama ejai esipan kosodete aibwaikin ngin toma otut. Konye Edeke erai Edeke loka esipan. Iswamai Ngesi kotoma nginitunganan, ejari Ngesi kotoma ngolitaun loepedori Ngesi alomar toma. Edumuni Ngesi itunga ngul luejaas kede ainakineta kosodi aswam kotomakec. Kwana, arai mam ajokit epedori aikamun kes kama ejai ibore idiopet, ebuni do ngesi kosodi aiswamaun atukos naemamei ibore kosodi aitekeriar itunga awai. Kwape abalar Paul, "Nakiponatar yesi nepepe, arai kinerata yesi kere kede angajepa, kosodete lumam isisiatos alomun toma, mam kereka nges etemari ebe, 'itolutuluna yesi! Ibangubanguna!?' Inera icetunganan kangajepa, ka *na* ka *na* kinga naka ainapetai, ka nginibore kere, mam ngin ebuni aswam. Konye," abala ngesi ebe, "ido arai edwari idiopet kosodi apukor nukaiyeiyea naka etau, kwangin epote kesi kesi atemar ebe, 'Abeit cut ejai Edeke kede yesi.'" Konye arai inera idiopet kangajepa kanuka apukokinio kosodi ainakin aijulunet naka ngin, icebore yeneduki ekanisa, kwabo do ekanisa kere edumuni adukio kanuka ngin. Icebore yenebuni einer ido inera Edeke kotoma angajepa numam oni ijeni nukec kwabo ebuni ainakin ngin neejai idiopet kosodi aijulun ngin kama ejai icetunganan, kosodi alimun ibore ice

yenismawun cut becebec koipone kalo elimunitere, ijaatar do yesi kede Emoyo loka Ejakait akidingosikus. Ido, oo, autakinis kanuka ngun, ipapero; aricata akim ngin kosalakinite enoki.

33 Kwana, eroko oni kepukoro e...ikisila lu luka Nuiwadikatai, mam eong ajeni arai ebuni araun naeninik noi karai ti oni anyoun aibwo kasodete aijulakin ber ejautene idakikan idis kwape kilipia.

Edeke lokapedor kere loabu kitonyou bobo Ejakait Yesu kokatwak kosodi aitejenun Nges mamawok (akaulo naka ikar elukumit kakwatakanyikaongon) kwape Edeke lomam ibironor lokotoma Akuj, kisiyalamikinit isio Ijo kanuka nu ido kanuka AjakutuKe kede isio apaaran kiton apaaran kotoma alositekosi naka nginipaaran. Ido kiyalama isio noi ajenun ebe kotoma osawa kalo loka aitolitoluna apak namam akwap ejenia nuebeit aswam, ejaas kesi aibok aipanya toma akwap, ido ejaas kesi agolonokin akecewat toma osimit, konye, Wu Edeke, mam kes epedorete aingop kotoma anyunyura naka Edeke. Ejai alakunio adiopet-adiopet bon, wu Ejakait, ido kiyalama isio noi apotu isio kacamutu Ngin: "Kaany Eong Aokot kalelengi Eong ijo." Oo, eipone lokiyalamar isio kanu ayuara kangin nailosikina katiibong kana naka Aokot nuka Imerekek yenika Edeke, Esasedoti Lopeti, ebwoi kotoma aibuses atiibong na epuronokini alimonorikosi. Iyalama isio noi kanu ajaut kede Nges atiibong na, Ekeneran lokapolon, Emoyo Lokalaunan, ekainakinan-ainyonyoikinio lokapolon, ekainakinan-Aijar lokapolon.

Ido kwana, Ejakait Edeke, kwape anyaraunitor eong itunga lu nepepe ne kwap naka eswi kalo atiibong na, itukokina iso ne kwape ekanisa arai atutubeteke, itukokina isio mere kotoma okiror loka Ekanisa arai kotoma okiror loka ediotunganan, konye kotoma Okiror loka Yesu Kristo. Kobu Emoyo loerumiarit Akekuan ka Akeijen, kosodi ayait Nges, kobu tomakosi atiibong na kosodi aijulun Akiror ka alimonokin da Akiror, kosodi ainakin Ngin toma otauonokosi lueriebi etengei kwape kidareunitor Nges. Naarai ilipi isio KokiroriKe ido kanuka AibusesiKe. Amen.(Iboikinos.)

34 Kwana neijai ijo yenijaatar KEkonibaibuli, opuko esula lo 1 loka Apukokinio kosodi agear kotoma okokoro lo 9; ikusikalamun ka apapulai, ido abuni eong aitam ainakin ijo apaarasia ka ace da kwape kilosio nepepe.

Kwana, erai na cut abeit...Atupuruc na arai naaputosi bala alimonokin, apesikin apetetai nejai Eidekeone loka Apukokinio. Edeke epukor kotoma Kristo. Imwasi ai iyuunitos Ngin? Abu Yesu kopukor kotoma Kristo Yesu, Yawe epukor kotoma Kristo. Kwana aibodo ejai Edeke loebait apukor? Toma Okanisa, kede iKetunga, kotomawok. Emoyo ngopengol, aswanisio ngupengun, aitodianareta ngupengun, amin ngipengin, aitim ngipengin, angirikinit ngipengin, aiyapaara, atitingikin, ainapakin, aitim, kere nuajaas toma Kristo ejaas toma Okanisa. Kiitu, koric nu kotoma aomisio: kere nuarai Edeke aponi kobukokinai neejai Kristo (arai Ngesi aileleba naka Eidekeone kotoma akuan), ido kere nuarai Krsto aponi kobukokinai toma Okanisa. Edeke kokujuwok, Edeke ejaas kaoni, Edeke kotomawok. Adokena auni nuka Edeke, Edeke itodiara kotoma adokena auni nuegelegela: Papa, Okoku, Emoyo Lokalaunan.

35 Abu Apukokinio ngin kitodia ebe mam Nges erai idekesio iuni, karaida Nges mam etubutubitai toma atutubena auni. Konye kerai Ngesi Edeke ediopet loarai Edeke kotoma apaarasia nuka araut Papa, arai Ngesi Edeke kotoma apaarasia nuka araut Okoku, erai Ngesi Edeke kotoma apaarasia nuka aijokokinio naka Emoyo Lokalaunan, Edeke ediopet ngopengol. Mere iuni luegelegela, mere itunga iuni, etunganane loitunga iuni. Erai Ngesi etunganan ediopet, etunganane ediopet. Mam ijo ipedori araut etunganane komam irai etunganan. Abalas icetunga ebe, "Mam Ngesi erai itunga iuni, konye erai etunganane loerai irwan auni." Mam ijo ipedori aitiak ngin; naarai arai erai Ngesi etunganane, erai do Ngesi etunganan; ejai Nges araut etunganan kanu aismawun etunganane; nges ngopengol bian, lolo, ka ikar kere; Alupa, ka Omega; Ngol loajai, ido loejai, ido loebuni. Oo, erai cut Ngesi KERE. Amina eong ngin.

36 Kosesen einonoKe, Akeijar, Akeswamisio. Ekoto kitodiara cut kane kokanisa, kwape ajaar kotoma apaarasiaKe. (Mere alimun nu korai atubokinit sek; ejeni Edeke ngun.) Mere ne bon, konye anatar akwap kere. Eyalama eong ebe erai kwangin. Kwangin ijeni oni neibwoia naarai kijaatar oni kEmoyo ngopengol tomawok, eupasi kede oni ka aitodianar ebe ejai Ngesi ne. mam erai oni, erai Ngesi; mam oni ipedori aswam iboro ngul, erai Edeke. Kilema ber ijo ngun, kotoma akwap naka sayanis, abu Ngesi kocamak Akeput ainomunio. Kede kaoni, tomawok, osiepiwok, kujuwok, kamawok, iswamai tomaka kingawok. Oo, eumokina bia!

Atapit kes awoenen ekosio:

AJAI Loabu kinerakinis ka Musa, kotoma okiot loanoki loka akim,

AJAI Edeke loka Aburaam, Aacerit Nailiyai naka Atuputuc.

AJAI Aturot ngin naka Sharon; oo, aibo ibala ijo ebe alomunitor Eong?

Ijo ijeni Papaka, arai ipedori ijo alimun EkiroriKe?

Oo, ibala ijo Eong ebe ingai, arai aibo ibala ijo ebe alomunitor Eong?

Ijo ijeni Papaka, arai ipedori ijo alimun Ekekiror?

Arai Eong Alupa, Omega, ageunet kotoma angeset,

AJAI esube kere, ido Yesu nges Ekiror.

37 Oo, eumokina neteni, Apukokinio! Kwana, kiitu, mam ijo ipedori adumun ngin kanejaas luesiomitos akiro nuka ediini, mam ebuni koipone kangol. Ebuni bon kwape apukokinio. Aibatis kede akipi Kokiror loka Yesu Kristo, epedorio bon ainakin kwape apukokinio. Yesu ka Edeke araut Etunganan ediopet epedori bon abunore kwape apukokinio. Ebaibuli kere edukokinitai toma apukokinio. Ekanisa kere edukokinitai toma apukokinio. Ebalu Matayo 17 ebe, "Naarai abala Eong ebe, 'Atiida na (apukokinio nakomoyo) adukokini Eong Ekakanisa, ido ikirigin luka okatwak mam ipikorete Ngol.'" Iningit oni idiotunganan aitodikin oni, adioboisit, akiro nukolosek arai Naiwadikaere, neajai idiotunganan yenibatisatai kokiror loka Papa, Okoku, Emoyo Lokalaunan" kinga naka ekanisa loka Atulik kiton apak naka Martin Luther. Kosodi do ekanisa loka Protestant, arai...

38 Ido nginironis...Kopupok, kwape kilosio oni toma aturio nuka ekanisa. Kanginironis najai toma okanisa losodit, abu ikopar kiton atur natupakini. Ainyikokinit alosit iingaren kiton naengetakina adolokin apaar cut kotoma apaaran nakawasia. Kanginironis inyikokinit aikopar kotoma kangolikanisa, kanginiraut nabu kogeun. Bala kotoma Ageun, abu emusabibu, kogeun apolo, abu konyau ekerot kama ejai ekanisa ido elomuni kotoma apaarasia nukawasia. Komam abunokini ebalu Ebaibuli ebe, "Isirerengitai ngul luekuete kotoma apaaran kangin." Eebo, ipa, luekuete iboro lu kere.

39 Kwana kilip Edeke...kwape kijaar oni toma Apukokinio, kilip Nges ainakin ijo apukokinio, ido ipedorio bon ijo aitajar kanuka apukokinio. Ijaatar ijo aijen naka ngin, kotoma adam, konye mam ijo ipedorio aitajar kiton nekipukokineri ijo Ngun. "Emamei itunganan yenepedori anyara Yesu ebe erai Kristo, dimarai bon kanuka Emoyo Lokalaunan." Ngun kes nuebala Ebaibuli. Emamei itunganan yenenyarai Yesu ebe Kristo kiton needumunia nges EmoyoLokalaunan. Epedori ngesi atemar ebe "Ebalu ekecokon kwangin, ebalu Ebaibuli kwagin." Eraas ngun kere Abeit. "Ebalu ekainisa kwangin" Erai ngin nakabeit. Konye mam ijo ijeni ilopet kiton nekipukokinia Emoyo Lokalaunan ijo Ngin, kosodi Ngesi ajaun toma *kon*. "Emamei itunganan yenepedori anyara Yesu ebe Kristo dimarai bon kanuka Emoyo Lokalaunan." Mere kanuka aijen, mere kede acoa naka etunganan.

40 Eipone ali elosio kesi aiswamaun Ebaibuli lo...Aitam aridakin Ngol, ainakin Ngol aibecokin Iyadayan, Itulikin ka luka Protestant, koraasi kesi luetiakak kwape apaaran kede akuar. Karaida ejenete Iyudayan ejok adepar nen; aomit eong ebe aticepak erai cut esawa lo ngin abunore, nebeitor ngin kere alosit toma apaar na naepol. Kwangin, ka iboro kere kiitu cut, mam oni ipedori aitikokin ngin, konye ibore idiopetebon yenipedori oni aswam nges acakar Aica kinga ngina, aticepak ainakin awokowat aario kasodete aitor erot, kwangin bon nges eipone loipedoria oni aswam ngin. Konye luipu ejaun aswam ngun. Ido kwangin nges ebalu Ebaibuli ebe nges esipokinitere ka iboro luilomari oni toma. Arai mam eong acoikini, abuni eong alomar tomake.

41 Kwana, ibore yenisodit, kotoma Oitabo loka Apukokinio, egeunit ebe erai Apukokinio naka Yesu Kristo, nuerai Ngesi. Kwana, Kristo Nges Edeke Lokapedor kere. Ijeni oni ngun. Imwasi ai iyuunitos ngin? Kotema "Amen." [Kotemari atukos ebe "Amen!"-Ekewa.] Erai Ngesi Edeke Lokapedor kere, ido ejaatar Ngesi Ekiror ediopet. Ekiror ngol bon nges einakinitai kokwap naka Akuj loepedorere aitajar ijo, Yesu Kristo. "Inyobo einakinit kesi ekuriaka Ngol kotoma aipany naka aibatisao?" kes numam eong apedori aumokin. Uh-huh. Iany ijo? Erai naarai ebe abu emoyo ngol kotedun toma kokau kangina kotoma atur naka Sumuruna; kosodi aridun kwap kiton atur nakapolon naka amuton, kosodi aitarau ngin aisisianakin, kosodi alomun kede ngin kotoma apak na nakawasia. Kwana, kosesen akiro nukolosek ka Ebaibuli kwape kilosio oni angetakin esabiiti lo, eipone lo-eipone loitolomunia iboro ngul.

42 Kwana ibore yenetupakini. Kristo Nges ainakini Yokana, kama kemalaika, kanu ainakin nejaas Ike (inyo) ikanisan, kanu apukokin Ngin nejaas IkanisanaKe. Ido aacer nuejaas toma akaniniKe araas ikiyakia ikanyikaarei luka ikanisan ikanyikaarei. Ido nginitunganan yenebuni ajaun kede Aisiiraret, ebuni ajaun kede ngin, Aisiiraret ngipengin nakabeit nabu kogeun kotoma ageunet.

Kosodi nuipu, nekidolokinio oni toma aiboisio ngun nuidulok kanen, kanu aanyun eipone loabu Edeke kitolomikinia iboro lu toma, erai naeumokina. Einakini ngin ijo ailulukin. Amina eong, asiomi ngin, kasodi abwobwo mot kasodi aimony, abongori kasodi aiboikin kwap bobo, kasodi abwobwo mot. Eyalama eong noi ajenun ngun: Koipone ali abu Edeke kosianiaaror mamawok acamakin oni aanyun ibore ngin kotoma osawa lokijari oni kotoma? Inyobo, esubit bala kwa abalar Yesu, "Abu etunganan kogwela iboro kere lujaatar kanu agwel ece diamond mutan." Kogwela ber jo neejai akwap, iboro luka akwap, ka nginibore ice yenikamunit idiobore kere, kanu ajaun kede Na. Edolit ngin, kibwaik akonigogong kere cut toma Kangin. Erai edobo loka etau kanu aanyun Akepukokinio naka Akekirot.

43 Kwana, kere yenesiomi Ngin isirerengitai. Ngin erai nakabeit? Ido ibala oni katupuruc kana ebe, arai mam ijo ipedori aisiom, idiotunganan kere yeniirari Ngin esiomio, isirerengitai. Kwana, egeuni kede arereng

nejaas ngul luiboikinos kosodete aipup Ngin esiomio, ido erai ekenit neejai idiotunganan yenebuni aitam aiyatakin idiobore tomaKe arai alemar awai kotomaKe. Kwangin arai epukorit Ebaibuli kede aidedel ebe Yesu nges arai Edeke Lokapedor kere, kwangin do otukwi ngin yenelemar ngin awai kotoma kanen. Eebo. Erai apukokinio. Idiotunganan yeniyatakin idiobore...Erai ekisil loileleba loka-loka apukokinio; erai Eitabo loka Edeke lokawasia, Akekiro nukawasia, Ake-...Ido adiopukokinio naelomuni itepegite Ngin, erai naka adwaranut naka aingal; mam erai Edeke, 'naarai erai na Abeit.

Ido kiitu ebe, lo bon eitaabo kotoma Obaibuli luabu Kristo kidokok akan, Ngesi Elopet. Koomoom nuka ngun! Eitabo ediofet bon, nges apukokinio naka Ngesi Elopet. Eitabo ediofet bon loabu Ngesi kibwaik Akeipucet toma, kosodi aibwaikin Akererengusio ka Ikekenito. Arerengusio nejaas ngul luepote acamun Ngun, ekenit kanuka ngul lumam ecamunete Ngun.

44 Kwana-kwana ilosi oni toma apujan naka Patumo kwana kanu aitegear, ekokoro lo 9. Aiboisit nasodit, ikoto oni atemar ebe erai...Akou naka akirot naka na erai: *Aitapoet Nako Patumo*. Abu kiswamaun kotoma okaru kiding ekaru loka A.D. 95 ka 96. Aiboisit arai kotoma apujan naka Patumo. Neejai ngin erai amairon akaisauni awai naka edoket loka Asia Nadidi, to, iteosi kede Ekanisa loka Epeso, kotoma angolol naka Aegean Sea kiikoruosi kede Mediterranean. Ngin nges aiboisit naejai ngesi.

Koomoom! Kwana, ejai ekido amairon akaisauni awai naka edoket loka Asia Nadidi, kotoma angolol naka Aegean Sea. Iteosi kede ekanisa loka Piladel-...arai loka Epeso, neaponi koinakinere Aisiiraret nasodit, nearaar Yokona ekecokon kotoma apak kangin. Kotoma akiro ace, kengolia ngesi kau cut kide ido angoliari ngesi cut kaitebeikin ekekanisa, kotoma aiboisit naajai ngesi. Ido Aisiiraret nasodit arai neejai ekekanisa, loabwoikinit atur naka ekanisa. Eebo, aponi koinakinai aitapoet neejai Yokana Lokalaunan, loka Edeke, loarai ekecokon loka ekanisa loka Epeso kotoma apak kangin.

45 Ojautene bodo ali ajaar apujan na? Aibo ajai, ido ojautene bo ali? Eebo, ejena kotoma akiro nukolosek kwape apujan naepu atiidan kileleba imunwo, ikiritona, iidodoi, ka ice da. Erai amairon akaisauni airimor nges, ido ileleba atiidan. Etwasamao ngin, kotoma apaarasia nuka Yokana, kwape Alcatraz. Aiboisit nayanngari apujan naka Rome itunga luagwaununete akiro, luarokok cut neteni, ebe mam kesi apedorete aidar ngul kotoma ojeeran ka ace da, eebwaikinete kesi ngul toma apujan ngin tetere etwakete; ajalakin kes aiboi kanen kiton neetwakiata ngul.

Aingiset: Apolou najaar Yokana Ngina? Etunganan loayongit Edeke, ekadoliton, etunganan loka eemut lokajokan, iponesio luajokak, amamei cut ationis, inyobo ajaar etunganan ngol ngina? Abala Ebaibuli ebe, "Kanuka Akirot naka Edeke ka ajenanut naka Yesu Kristo."

46 Kwana kidau oni adumun epone loajaar. Apujan naka Patumo, kotoma angolol naka Aegean Sea, amairon akaisauni awai naka edoket, nepetai amairon akaisauni airimor ekido, ikileleba atiidan, kileleba iidodoi ka ikiritonia ka ice da, ido etwasamaoe araut ejeera (kwape ebe eraar Alcatraz). Elemunete kesi eenat lomam kesi apedorete aidar kojeera *kane*, kesi...kwangin ekagwaunan akiro noi kwangin, ebwaikinete kesi ngol kinga nen Alcatraz.

Ido kwana apotu kesi koyangasi lokalaunan lo Yokana...loka Edeke...lokawasia kotoma okiyakia, ido ediofet bon loabu kotwana atwanare naka nginiduc. Yokana, eroko keloto apujan, aponi kiwosatete kanu ebe kerai "ekacudan," ido aponi kidoroi nges kotoma opipa loka akinyet adaun isawan akaisarei ka luongon, komam apedori anomor nges. Mam ijo ipedori aidorun Emoyo Lokalaunan kinga naka etunganan...?..Aponi kidoroi nges adaun isawan akaisarei ka luongon kotoma opipa loka akinyet, komamei adiomusungut. Kosodete atemar ebe apolou-apotu Iromayon kotemasi ebe, "Arai ngesi ekacudan, ido abu kiloga akinyet." Nuepedori aijen naka etunganan loka akuan aomoom!

47 Kwana, itei ijo, naenyaaratar kesi oni ebe, "ikasiomak aomisio, ka ikadwarak, ka Belesebul," ijo iany nekebungio emoyo ngol lomojong? Konye iany ijo neabunio Emoyo lokabeit? Erai aturio nuka ekanisa. Iany ijo? Isawan akaisarei ka luongon, idorio kotoma agirisi, namwanan nakulai, ido mam karaida atiror nges. Oo, eipone loabu Edeke koyuara ngol kotomaKe kede Ekemoyo Lokalaunan. Mam akewam angetakina.

Aponi kibwaikinai nges apujan adaun ikaru iarei. Ido nakejaar Edeke kede nges kokinga kanen ngesi bon kanuke, abu ngesi kiwadik Eitabo loka Apukokinio kwape abu Emalaika loka Edeke kopukokina mamake. Kosodi katipet nakengetakinia, abu ngesi kobongu obuke kosodi acok ekanisa kotoma Epeso. Kosodi atwanare kidaikinai do toma Epeso, Yokana loka Edeke.

48 Oo, ikoni bo ai apesikinet ngin kwana! Ejok, ekanisa kotoma apakio kangun kokwap naka Yokana, araibo nat kwap naka areo naepol, iwadikai Yokana ekokoro lo 9:

Eong Yokana onacekus...kotoma aitica-...loamori nepepe kayes aiticanio, ka ajakanut, ka atiting, nuejaas toma Yesu, abu kajai apujan naenyaritai Patumo kanuka akirot naka Edeke, ka aitejenun da naka Yesu Kristo.

Kotoma akiro ace, abu ngesi kolek Akirot naka Edeke ido ajai atogogongoor Ngin, ebe kerai Akirot naka Edeke, kosodi Kristo abongun kitorunite mamake kosodi aitejenar ebe adolit ngesi. Ikoni nen. Akirot

naka Edeke itodiaritai kotomake, kitogogongoori ebe arai ngesi ebulesit loka Edeke. Ido mam kesi apedorete aitepeg Ngin, kwangin ajai do kes amaikin nges ebe arai "ekacudan." "Abu kiloga akinyet ido mam ngin apedori aimusung nges, kosodi abu nges kiloga itunga ido ebe mam ngul angaleunenete, ido ebe kerai ngesi ekadwaran lomam apedori...Eipone etunganan ece lokaronon, ekaronon-...emoyo lokaronon." Ido ngin nges apolou naerengearere nges ngina, aomitos ebe kerai ngesi etunganan loarono ajaut akidingos naka itunga. Konye ajai bon ngesi aswam akote naka Edeke, ido ajaatar Edeke alosikinet kokwap naka ejautene kangol kere.

49 Mam Nges apedori aitwasam ngol, ka areo ngin kere ka iboro, naarai aponenenete lukalaunak, "Oo, Onac Yokana, anyoika ebeit isio aswam kanuka *nu*? Ido inyobo ebeit oni aswam?"

Arai Yokana enabi, ijeni oni ngun. Ido kwangin engisitos kesi aingiseta nu, kwangin abu Edeke koinak ekepugan loka Iromayon alemun nges kosodi asipokin nges ngina apujan. Kosodi atemar ebe, "Kwana, kobia, Yokana, akoto Eong aitodikin ijo icebore yenelosi aismamaun." Lokawasia kotoma okiyakia, amamei bobo ece loabeit aiwadik Ngin dimarai Yokana. Kwangin aponi kosipokinai nges apujan naka Patumo ageun okaru A.D. 95 kiton A.D. 96. Ido abu ngesi kiwadik Ngin, kosodi ngesi atemar:

Eong...onacekus, loamori nepepe kayesi aiticanio,...

Kwana, mam nges abu kiner nuka Ican Luipu kwi. Mam ngin kerai Ican Luipu kwi, ido mam ebunokinete Ekanisa. Ican Luipu kwi ebunokinete Iyudayan, mere Ekanisa. Kwangin mam ngin arai Ican kwi, Ican Luipu kwi.

50 Kwana ekokoro lo 10:

Abu eong ajai kotoma Omoyo kapaaran naka Ejakait, kasodi apupun kokaukang e...eporoto,...loka arupepe,

Abu kajai kotoma Omoyo kapaaran naka Ejakait,...

Kwana, mam ijo ipedori aswam adiojokis kiton ber ijo ajaun toma Omoyo; mam Edeke epedori aitwasam ijo. Irai ijo-irai ijo-irai ijo-irai ijo...Akoniutaara kere erai-erai atitai kiton ber nasodit ijo aswam ngin kotoma Omoyo. "Arai abuni eong awoere, abuni eong awoere kotoma Omoyo. Arai abuni eong ailip," abala Paul, "Abuni eong ailip kotoma Omoyo." Kosodi do arai ejai icebore yenebuni neajai eong yenajokan, ekoto kopukokinitete eong kanuka Emoyo ido kitogogongoritete kanuka Akiro (Kitodiaritete kanuka akiro nuitodiarit ngin).

51 Kwana bala, acekiro, arai katema eong ebe, abu Yesu Kristo isumunikinite kotoma AkirotoKe ebe arai ketoronokin eong, kebatisaun Kokiror loka Yesu Kristo, adumuni eong Emoyo Lokalaunan. Ibore yenisodit eong aswam nges aitoronokin. Epukokinitai eong ebe erai ngin abeit. Kasodi aibatisaun Kokiror loka Yesu Kristo, kwangin do nuetakanunete erai: adumuni eong Emoyo Lokalaunan.

Arai adeka eong, ido isumunikinite Ngesi eong ebe arai ti Keyu eong kasodi ainakin imakio luka ekanisa ainyonyoikin eong akinyet, ailipakin eong, ailip naka aiyuun itajari ikadekan. "Ejakait, eyuunit eong. Atupit eong Akonicorakineta, ainakin ekimat alipakin eong, ainyonyoikin eong kede akinyet." Edaun ngin akiro kere, enyikokini do eong alosit iingaren, kodaunos-kodaunos kere.

52 "Oo," ibala ijo ebe, ijo "mam eong apupi adioijulakinet, da." Mam Yesu aurunitai, neabu Edeke koyaria Nges eroko kepesikina apetetait naka akwap, nearaar Ngesi-nearaar Ngesi Imerekek yenika Edeke, yenayaritai eroko epesikina apetetait naka akwap. Konye kotoma aomisio nuka Edeke Elopel, adaunit Ngesi aswam ngun. Amamei eong da apak kangin kane, karaida ijo imamei; konye kotoma Oitabo loka Edeke, arai apotu iwokokiroria kojaas ngina, aponi kibwaikinai eroko kepesikina apetetait naka akwap.

Kelimu Edeke idiobore, ejai aismamaun. Kwangin naitodolikinio ijo nuipuda Edeke, kiitu ebe, ebuni Edeke aitodiar ka aitodolikin nuce kere, kolot ijo iingaren alosit, erai aswam naedaunitai. Oo, ngin mam erai nakaumokin? Oo, ikatunga, koomoom! Kolimok Edeke alimokin bon...Ido abala Edeke ebe, "Kiswama ijo na, ido abuni Eong da aswam na." Eebo, arai kalot eong aswam *na*, ejai Ngesi da aswam *ngun*.

53 Kwana, etemari ajokit ebe, "Itei ijo, iyapi Ngesi."

Mam ngin iswamauni adioijulakinet. Abu Daniel kilip adiopepaaran ido arai apaarasia akaisaarei ka adiojet eroko Emalaika kedolokino nges, konye mam nges abu kokurianar, ajeni ngesi ebe abeit Ngol abunore, kwangin abu ngesi kidarek kiton neadoluna Ngol nen. Ngin nges aomisioit. Oo, nen nges ijaar ijo adumun aiyuun. Kwana ejai oni anyoun awai naka ngun, ti oni ijaun kede aijaanakin naka aitangale, mam tii? Edolit ngin. Eebo, naka aiyuun. Konye ikoto oni ajaanakin naitangali-etau, atangal toma, naarai ngin nges mam edaun, ijo adumun Aijar Namam Edaun. Mam Aijar naka Ikaru Kere edaun arai amojong, esalit, esalakini ikoni nepenen.

54 Kwana, abu ngesi koloma toma Omoyo eroko idiobore iswamauna. Ibore yenisodit yenabu ngesi iswama, ajai ngesi apujan nanyaritai Patumo (iboro lu kere luabu ngesi kiswama), ido abu ngesi kotema

ebe, "Abu eong keira eporoto," ka iboro luce lu kere. Konye eroko idiobore kiswamauna, ajai ngesi toma Omoyo. Ido arai kianyu ijo kotoma Obaibulikon, Omoyo anyukuta O napolon, Emoyo Lokalaunan. Amen! Abu ngesi koloma toma Omoyo. Oo, aomit eong ebe eumokina:

Abu kajai kotoma Omoyo kapaaran naka Ejakait...

Kotoma apaaran nanyoin? Apaaran naka Ejakait. Kwana, ejai nen aitetemio naati. Kesililingata ber oni ngun aisililing, kanu apak edit.

Kwana, kwape ibalar oni atupuruc na, abalas ice ebe apukokinio, naka Matayo Lokalaunan 17, kerai "Petero." Abala ekanisa loka Atulik ebe, "Abu Ngesi kodukok Ekekanisa toma Petero; nges erai ipaapa losodit." Eipone ti ali keraar ngesi ipaapa ido kodukokina? Ido abala ebe, "Abu Petero kolot Rome, aponi idaikinai ngina." Aso olimok eong aiboisit adiopet, kotoma akiro nukolosek arai adioiboisit, nabu Petero kolositor Rome. Iany ijo? Paul nges abu olot, konye mere Petero. Eebo.

55 Kwangin idumuni oni ebe iomisiko lu kere ka iboro, acedunos bon pacupac. Iany ijo? Konye, ido itunga lolo...neilosu ijo kere, kesi...Ekanisa ece lokapolon ejaatar ka esumalit loajai toma AkaniKe. Ijeni ijo isumalin imwasi ai ejaatar kesi, isumalin lukabeit, lolo lukejaasi toma...? Itomon ka lukanyikaongon. Ejaatar kesi kakojo, ejaatar kesi-ejaatar kesi katutuben nuka inapen, ido atironor ka aitingiting. Ido imameotor-imameotor oni kiboro ngul, mam oni ipuda ngul. Ejari Kristo! Ejai Ngesi tomawok, mere esumalit ece, arai atutubet naka emusalaba, arai abeletait naka akoit, arai icebore. Erai Ngesi Edeke lokajaran, ejari kotomawok kwana, itodianari Akekuan. Ijaatar oni kibore idiopet bon kanuka aitununo Ngesi, Lukatibong luka Ejakait, aitununo Aketwanare. Konye nuikamunitos Kristo Elopel, ejai Ngesi kede kaoni ido tomawok. Ido ngin nges ibore yenikoto oni aikeunit kuju (aibuses naka Emoyo Lokalaunan) nejaas akwapin. Ikeet oni Ngol kiton Aica alosit kinga. Eebo.

56 Kwana, e...Aso, itei ijo, apotu oni kayangasi ewai loceje loka erot. Ijeni ijo atam duc eong araut na, ido apukonoki duc Ejakaitiwok ngin mamaka; ejai ewai ediopet, ido ejai ewai loce, konye cut toma akidingos naka erot nges eperio Abeit. Ijo ijenunitor Isaia, neabalar Ngesi ebe ejaun erot lokapolon? Isaia 35. Ido iitunit ijo eipone loatapitor inacan luketiai luka Nazarene awoenen ekosio ngol, ijeni ijo, "*Erot Lokapolon loka Alaunit. Erot Lokapolon loka Alaunit.*" Kwana, arai ibuni ijo aisiom Ebaibulikon ejok, mam ebala ebe, "erot lokapolon loka alaunit." Abala ebe, "Ejaun erot lokapolon ka erot, ido enyarao," mere erot lokapolon loka alaunit, konye "*erot loka alaunit.*" Akirot ebe "*ka*" nges erai arucokinet naengetakini ekonikokoro. Iany ijo? "Ejaun erot lokapolon *ka* erot, ido enyarao *erot* loka alaunit," mere erot lokapolon loka alaunit.

Itei ijo, edukio erot, *erot*...Edukio erot lokajokan, aiboisit naiculurur kakere ejai kiding naka erot, naarai nen nges einakini agasia elelearete awai owaitin iarei kere. Kwangin. Kebu etunganan cut neejai Kristo, esipokini ngesi akekonye neejai Kristo. Arai erai emositoi, ebuni do nges araut loilamar. Arai elilim ngesi mot, ebuni do ngesi alosit owai je kosodi aisub bala akolilit, kowai kangol; itei ijo, akecoa. Konye ibore yenapolon ejai cut akidingos naka erot, kede Emoyo loilosikina kotomakon, aidarit ijo komwana ido kolosi iingaren. Amen! Ido kojoni nuilosikina kanu aidarit akonikuan kokwap naka arimarit Emoyo, alosit kwape elosio Emoyo; mere eroko arai akaulo, napekikunyakini Emoyo.

57 Abala Ekanisa loka Atulik ebe, "Arai Petero nges apukokinio."

Ebala ekanisa loka Protestant ebe, "Arai Kristo."

Konye isisianakini Ebaibuli ebe, "Arai Apukokinio nabu Ngesi koinak (abu Edeke koinak nges) naka Kristo."

"Irai Ijo Kristo, Okoku loka Edeke lokajaran."

"Kisirerengitai ijo Simon, okoku loka Yona, mam erai aokot kede akuan ipukokinitos ijo na, emamei idiotunganan, esomero loka ediini, arai adioiboisit naka ediini, idiobore, yenisisianakit ijo Ngin. Konye Papaka loejai toma akuj nges kipukok ijo nu. Irai ijo Petero, toma atiida na adukokini eong Ekakanisa, ido ikirigin da luka okatwak mam ipikorete Ngol."

58 Kwana idol oni aceboisit kane nejaatar kesi kede aomisio aarei nuegelegela. Kwana, apedori eong kebucarite; arai kebucarit eong, ketim Edeke eong. Konye alosi eong angerokin kede luka Seventh-day Adventists luebalas ebe, "Arai apaaran naikanyetekaarei nges ajai ngesi toma, apaaran naka Ejakait," iinacan luka Seventh-day, ka luipu kotoma kakesi, ebalas ebe arai ngin apaaran nasabato nges anyarit ngesi ebe apaaran naka Ejakait, ekanisa loka Ikristayon anyarit ngin, apaaran naka Ejakait, "Na-nasabiiti, apaaran nasodit." Ido ianyuni oni ebe irwan ipu ebe-ebe Ekanisa loka Kristo lolo, itunga luka Protestant, emaikinitos ngin ebe "Apaaran naka Ejakait, Nasabiiti." Mam ngin erai naiwadikatai. Nasabiiti arai apaaran nasodit naka esabiiti kotoma Obaibuli, mere apaaran naka Ejakait. Ido mam da arai apaaran naikanyetekaarei, asabato. Mam cut ti epedor ngin araut adiopet kotoma apaarasia kangun naarai abu koyangaik Yokana ikar iarei kanu aiwadik Apukokinio. Arai bodo ngin apaaran ani? Ti do ipwakata apaarasia ngun akanykaarei kosodete apaarasia nusodi atubor.

59 Ebaibuli, Apukokinio iwadikatai ageun okaru A.D. 95 kiton A.D. 96, ikar iarei. Ngin nges arai apaaran naka Ejakait. Apaaran naka Ejakait nges cut ngipengin nabala ngin, ido ngin nges arai. Aponi Yokana kodakarai kotoma Omoyo kiton apaaran naka Ejakait. Erai na apaaran naka etunganan, konye ebunit apaaran naka Ejakait. Cut kotoma kaNaiwadikatai ianyuni oni ebe ajai Ngesi toma apaaran naka Ejakait, ikamara kotoma Omoyo kosodete ayangar kiton apaaran naka Ejakait. Amen! Edolit ngin. Itei ijo, ajai ngesi toma apaaran naka Ejakait. Inera Ebaibuli nuka apaaran naka Ejakait. Ilomari oni toma motimot, Ikokoron luipu.

60 Ibore yenisodit, asabato mam erai nges aricit acepaaran. Imameotor oni kaicorakinet kanu aricit Namukaga kanuka asabato. Imameotor oni kaicorakinet kanu aricit apaaran nasodit kanuka asabato, kotoma Aitutuket Nakitetet. Abala Ebaibuli ebe, kotoma Iburanian esula lo 4, "Karai ti kisiyengunite Yesu kes, timam inera nuka apaaran ace." Edoli ngin. Konye esalit aibworaret, arai aricit-asabato, nejaas itunga luka Edeke. Naarai oni da, lukiiyu, kiloma toma AibworareteKe; kiyengu kotoma aswamisiowok kwape abu Edeke kiyengunia kotoma aswamisoKe

Kosenen! Oo! Ituritete Ejakait. Adolok eong aipup ejok noi, alingar eong niigarenika.

61 Komisiik, kotoma apaaran naka asabato. Abu Edeke kosub akwap kotoma apaarasia akanyikaarei, ido apaaran naikanyetekaarei abu Ngesi koloma toma aibworaret ido mam bobo abu obongo aiyatakin aiduk akwap. Kosodi Ngesi ainakin ngin nejaas itunga kwape aisiitunet. Naarai mam bobo ijo ipedori aricit ngin kwana, naarai neiricitor ijo asabato kane, ewai je lokakwap erai Nasabiiti bobo. Iany ijo? Itodunit ebe arai naka itunga, abaagat ka apak kanuka Israel. Konye esalit aricit-asabato kanuka itunga luka Edeke.

Naarai oni lukidau...aiyuun, kilomari toma aibworaret,...karaida apotu aswamisiowok... (ajai eong asiom Iburanian esula lo 4)...karaida apotu aswamisiowok kodaunos ameun ageunet naka akwapin.

Naarai ajai neinerar...nuka apaaran...nakikanyetekaarei

Bobo etiaki Ngesi apaaran ace, ebala kama Daudi,...(yesi luiwadikaete, Iburanian 4)

Bobo etiaki Ngesi apaaran ace, ebala kama Daudi ketubor apak naetia nen, ebe, Lolo kwape abalar sek ebe, Lolo arai kiirasi ekeporoto, sirikitinikikata ikusitauon.

Naarai arai kisiyengunit Yesu kes (apaaran)...timam kina nuka apaaran ace.

Konye esalit...aibworaret (arai aricit-asabato)...

62 Akirot ebe "aibworar." Asabato erai akirot naitegelikina mamawok, naerai ekepolon "aibworar." Erai akirot naka Iburanian naerai akepolou apaaran naka "aibworar," apaarn naka asabato; mam iswamai, kiyeng.

Naarai karai ti kisiyengunite Yesu kes,...timam...inera nuka apaaran kace.

Konye esalit...aibworaret (arai aricit-asabato) kanuka itunga luka Edeke.

Naarai oni da luilomari toma aibworaret ngin,...kiyenguni kotoma...aswamisiowok, kwape abu Edeke kiyengunia kotoma kanuKeng.

Mam bobo oni ibongori tomake kotoma apaaran naetupakini naka esabiiti kosodi bobo ageun ngun, iloma oni toma Aibworaret. Enera Yesu akiro nukarerengusio, ebala ebe, "Ipupunitotor yesi ikolosek ebe, 'Siriari.' Kalimokini eong yesi ebe, yenenyunurikini onaceke komameete akiro, adau aiyar. Ipupunitotor yesi, kolosek ebe, 'Siridotei.' Ngin nges aicorakinet. Konye kalimokini yesi ebe, ngin yeneseseni aberu kimiela kin kotauke adau aisidiotar ngin kotauke." Ngin erai naedolit?

63 Kwangin iboro lu kere araas aisitununeta, aanyuneta bon, nukaumokin, idaritos apak alopet adolon. Kwana, neadaunia Yesu ngun, Matayo 11, (iboro ngul), ebala ebe:

Kopotu neajai, yesi kere luitaaritkina, lukitegit, ka luilangirikito, Eong da kesiyenguni yes.

Koriongata ajookotoka, kisisiautu kamakang; naarai etasono eong, eyapepera kotau...(ngin edolit?)

Kopotu neajai, yesi kere luitaaritos ka...luilangirikito, Eong da esiyenguni yes. ("Arai iutaara ijo adaun apaaran adiopet, apaarasia atomon, ikar ikany, ikar akaisauni ka lukany, ikar akaisakany, ikar akaisakany kaongon, ido kipaas ijo ido kiteg, kobias neajai Eong, kainakini Eong ijo Aibwarar. Alemari Eong alangir ngin kere naka adiakar kamakon, kasodi alomun tomakon kasodi ainakin ijo aiyengun naitekeoro ka ainapakin.")

64 Kwana, inyobo aiyengun ngin? Etemokisi ber oni na mot, kaanyutu nuerai ngin. Ice kotoma kakesi abalas ebe, "Inyo nat, ijo alosit alomar okanisa." Mam! "Ibwaikini ijo ekonikiror oitabo." Mam! "Eebo, eipone ece loka aibatisao naka akipi." Mam! Etemokisi ber oni ngin kosodete aanyun nuerai ngin. Ijo ipuda aswam ngun kanepokane cut kwape kidaritor? Ibuni oni aanyun neabu Yokana kolot. Toma apaaran naka eipone enyoin abu ngesi kolot?

Neatwania Yesu kotoma akwap, kosodi Akeswam angetakin, abu Ngesi koloma aiboisit ace.

65 Kwana kabongosi neejai Isaia esula 28, ido ekokoro lo 8. Eyuunit eong ebe erai, kwana, Isaia 28:8. Ido kasiomata Isaia 28, enabi inera ikar akwatakanyikaarei kitomon ka luarei kau eroko iswamauna. Kwana, imwasi bo ai ipudas ajenun nuerai asabato, nuerai aiyengun nakabeit? Nges nata. Kwana, ne nges neabu enabi kinerar ngin, ido abuni eong atodikin ijo neabu ngin kitodolikinor. Kosesen, Isaia 28:8:

Naarai...(enabi edwari nuka apaarasia kanu)

Naarai ileleba imesan kere kalekan ka amodokok, (itunga aibil emugaati, luemasete esigala ka ajon ido osabete ka akoko)...emamei aibois naelai.

Lukangai isisianakini ngesi?...

Ingai ti kepedor aiaisianakin aijen lolo?

66 Imwasi ai apotu kopuputu Billy Graham lolo? Arai alimonokin nakaumokin nabu ngesi kolimonok, eipone loapotu itunga kiyuuniata aingal kosodete ainyikokin alosit iingaren kotoma aingal kosodete-kosodete aisinapikin bonik kosodete aomoom ebe ajaas kesi aswam nuedolito. Itunga luka America eyangarete, abala ngesi ebe, ido kobala ebe, "Aijililet naka etunganan lokacoa, ka esigala loka etunganan loerai ekamatan esigala," eyangarete aingal naka ajokit, ido aiboisit naka aitarauun nges ebang, nuerai ngesi kere, aimat ibore kwape kangin ka aitam aitarauun nges etunganan lokacoa. Erai ngesi ebang kanu ber aimat ngol, ilelebasi-ilelebasi ngol kede atwanare ka engoti ka nginibore kere, ido nges amatar ngol toma oukoike kwape kwangin. Erai ngesi ebang. Mere a-mere a-aijililet naka etunganan lokacoa, ido emamei ibore kwa kangin. Mam etunganan lokacoa itwasamai iboro kwa kangul.

"Emamei aijar arai mam erai kotoma Oertel 92," arai icebore kwa kangin. Emamei Aijar kinga naka Kristo, ngin nges Aijar obe nakabeit. Inyobo einakit ikiliok kede angor aimat iboro kwa kangul? Naarai etamitos kesi aisimonikin akecekure kotoma kanen naabu Edeke kibwaik toma nen kanu aimuitor Nges, ido etamitos kesi aisimonikin ngin kiboro luka akwap. Ido ngin apolou nakijaar oni kiboro ngul. Ngin nges apolou na einakinit itunga iswamaete kwangin, naarai etamitos kesi aitud akure ngin naejai tomakek kanuka Edeke, ido ejai ajokit ainakin kes atwanare aiboisit naka Aijar.

...imesan kere ileleba alekan...

67 Lukapolok luka ediini, nginibore kere, inerasi nuke, "Edolit ajaun kede *alakanar adio naelai.*" *Emamei ibore kwape kangin!*

Lukangai isisianakini ngesi? Lukangai da itejenikini..nupupuno? Ngul ca luajakar kakile, lualemar kokisin? (Kwana mam bobo oni irai imukerun.)

Naarai erai aicorakinet neejai aicorakinet, aicorakinet neejai aicorakinet; ekokoro neejai ekokoro, ekokoro neejai ekokoro; Lailo adis, laiye adis:

Naarai kede aituke nuemaranete ka angejepa ace nges ineriata ngesi kede itunga lu.

Naabu ngesi kotema atiar, Na nges...(Inyo? aricit-asabato!)...aibworar naipedoriata yesi aisibworaria ngin yenepasi...("Kopotu neajai yesi kere luitaaritos ka luilangirikit.")... kibworasi yesi ngin yenepasi; ido na nges aikwarun; konye kongeroto akiirar.

Iwori bo abu ngin kiswamaunor? Akaulo naka ikar akwatakanyikaarei ka itomon ka luarei neapotu aituke nuamaranete kotoma Apaaran naka Pentekosit kodoikiniata itunga kosodete kesi kere aileleb kede Emoyo Lokalaunan kosodete agear einer kede angajepa kosodi, Emoyo Lokalaunan aikamar akeceijar, kosodete kesi aiyengun kotoma aswamisioked nuka akwap. Kwangin apotu do kesi kolomasi toma Aibworaret kede Kristo. Abala Paul ebe, kotoma Iburanian esula lo 4, "Oni lukiloma toma aibworareteKe kiyengu kotoma aswamisiok kere nuka akwap kwape abu Edeke kiyengunia kotoma apaaran naka Ekesube, abu Ngesi koloma toma aiyenguniKe, ido kilomari oni tomaKeng akaulo naengetakinotor aswamisiowok nuka akwap." Ngin nges Asabatokon obe nakabeit.

68 Aso aponi Paul kolemunai kosodi alomar toma Omoyo ngol loka Asabato, kosodete nges aijulakin kanuka Emoyo Lokalaunan erot kere angetar kiton apaaran naka Ejakait.

Inyobo einakinit oni ijaas kede ijiisio? Inyobo kijaar oni kede atiokisio? Inyobo ejaar akwap esurokinit akwap? Abu Yesu kobu Ekabaka loka Aijar, ido apotu kesi koarata Nges.

Kotoma osabiitin idis, araibo kwape kwana da, ejaas reindeers ka aputosia ka-ka ikososiso luka ebaga ka iponesio kere luka iboro ikajasi, loerai epucit loka ikapirin. Erai akirosit naka ekanisa loka Atulik. Itunga etacete itiaisinei luepolok ka aisiec ainanakineta ka iboro koipone kangol, eikapirione! Ebaga erai apaaran naka aima.

69 Ido kereka, mam Kristo eurunitai akaisaarei ka lukany naka elap lokitomonet kaarei da. Mam ti kepedo

araun. Karai ijo kojauna Judaea, ilelebas irongan kede akako, adepar kwa ejaar ne. Euritai olap lokiwongonet neetakanuniata isuban kere.

Kwana, konye erai ngol einonokec. Ido kanukinyo-kanukinyo iswama oni iboro lu? Naara kitupit oni inonosio luka itunga aiboisit naka aicorakineta nuka Edeke. Kesi...ibore kwape kangin ti emamei ationis, konye iswamaunete kesi apaaran naka agwelanar kotomake. Erai ileic, ileic kanu kes aswam iboro kwape kangul. Epucit loka ikapirin! Iwori bo ajaunotor aputosia kede aismamanar adio kede Yesu? Iwori bo ajaunotor ipoo yenepasika arai akokor arai...oculitete kede ecepone loka ebuino arai icebore, arai ecepone loka ipoo yenakwangan ajaun kede aismamanara kede ajarun naka Yesu Kristo? Mam ijo iseseni eipone lo akwap naka aisubisa...?

Ngin nges apolou naegwelanariata kesi itabon luka ikososinei luka rock-and-roll, ka aputosia nukasilok, ido koroko, ka iboro kwape kangul, erai naarai esube loka itunga iburai iboro luemamei ajokis kwa kangul. Erai naarai ejai icebore yenerono kotoma otau, mam kes elomaritotor toma Abworaret ngin kede Edeke kosodete aiyengun kotoma oboro kalu. Edolokisi kesi toma kangin kosodete adumun Emoyo Lokalaunan, kwangin angetakisi do kesi kede akwapin ka iboro luka akwap.

70 Abu Edeke ijula ngol. Oo, mam eong eyuunit ebe aponi koyangarai nges kwape Paul, kwana, toma akuj nakiuniet kosodi aanyun iboro. Eebo, abu Emoyo Lokalaunan loketiai kismama isabiitin iarei kau, kane, eong ber aany...kotoma akiro ace, abu eong akuriana atwanare, kosodi Emoyo Lokalaunan ayangar eong ngina kosodi aitodikin eong nuarai ngin. Ipuunitos yesi ajenanut. Kosodi neabonguna eong, "Dobodo, atwanare, aibo ejai ekonitidot?" Aijulakinio aanyun nuajaas juwai naka aigalisit. Abu Ngesi kainak eong abongun kanu alimokin yesi ebe juwai ngina mam oni irai icegeren arai imoyon, irai oni ikiliok kede angor, ludidik, mam bobo atwanare cut, mam bobo adekakin cut, juwai naka agalisit. Mam atwanare epedori aismamaikin jo idiobore kilema arikor jo kakonikan kiton cut Aiboisit ngin.

71 Kwana, aponi ijulakinai Yokana kapujan naka Patumo, kotoma Omoyo, cut toma apaaran naka Ejakait. Na nges apaaran naka itunga, ejiosi itunga, konye apaaran naka Ejakait ebuni apak neeraunotor akabakanuto nu nuka Ejakaitiwok ka nuka KristoKe, kojaun do apugan nakapolon naka ikar Elukumit. Apaaran naka Ejakait, apaaran naka Akebongun, Eketube, ngin nges ebuni araun apaaran naka Ejakait.

Erai na apaaran naka itunga, ngin nges apolou enanganangaata kesi ijo ka aismamaikin ijo nuekotosi kere, konye ebuni ajaun apak...Anyara ijo...enyaritos kesi ijo kwana ebe, "Loibelibelitoi ka loka ikerep," konye ebuni apak adolun, itei ijo, namam kes iswamatar ngun. Epote kesi elulu ka ebworo kosodete aibirokin akejenekon. Abala Ebaibuli ebe, kotoma Malaki 4, ibuni ijo alosit kokuju naka ekurwon akaulo naicwearere kes; mam ideuni kes karaida aliasit arai atenu. Kesi ngun becebec nuebala Ebaibuli, "Epote lukalaunak aipudapud ekurwon loka ikaronok." Ngesi ngin becebec. Mam kesi ideunio karaida aliasit ka atenu, emamei bobo ibore yenebeit abongun toma. Ido epote kesi adaun. Kwana erai na apaaran naka itunga (aswamasio nuka etunganan, epelu loka etunganan, ekanisa loka etunganan, aomasio nuka etunganan), konye ebunit apaaran naka Ejakait.

72 Kwana, ajai ngesi toma Omoyo kotoma apaaran naka Ejakait. Eebo, ido ibore yenisodit yenabu ngesi kiira neajaar ngesi toma Omoyo kotoma apaaran naka Ejakait...Kwana apotu oni kaanyutu ekokoro lo10.

...kotoma apaaran naka Ejakait, kosodi ngesi airar...e...eporoto, kwape...loka arupepe,

Enyemekisi ailam awaragan adiopet, kwana, arai erai oni ayangar ngin moi, ipedori oni ayangar, itei ijo. Kosesen icetunganan esawa, tetere mam apak iyapi kamaka.

Eebo, kwana, "...ajai toma Omoyo kotoma apaaran naka Ejakait." Kwana kiitu, ibore yenisodit yenebeit ijo aswam nges inyo? Koloma toma Omoyo. Eipone ali ebeitor apukonokinata nu abunore mamakon? Koloma toma Omoyo. Eipone ali ebeitor ijo adumun Emoyo Lokalaunan? Koloma toma Omoyo. Koloma Omoyo!

Nekiraar ijo ekadiakanaran kosodi ijo alosit ekosio, ibu ijo koloma omoyo ngol. Oo, ikatunga, ibu ijo kogeu aibap akonikanin ka aicakanakin akonikeje, ka acelanar, ' ka acakanakin akonikopira kwap, abwobwoot ka abwobwoot, aswam iboro lueroko. Ijai ijo toma omoyo loka ngun. Kinoma ber ijo etunganan, loemina edaasi, alosit odaasi, kosodi atiar ebe, "Eebo, ido yesi kere ipupete ejok noi, aomit eong."

"Oo!" apedorete kesi ti atemar ebe, "Ijo aturot naka arwatat, koloma kinga kane!" Iany ijo?

73 Kolot ber ijo neeboliaere emopiira, icetunganan ainom egolo, arai icebore, aiboikin kosodi asesin, kosodi atemar ebe, "Eebo, aomit eong ebe ejok ngin noi." Mam, mam ti ijo ipedo araut asot naka amopiira loka akan, mam ti ijo iraun obe...mam ti ijo ipedo alomar toma omoyo loka emopiira loka akanin. Neinomia itunganan egoolo, konyouni ijo kuju kosodi ailulukin, "Otukui! Ikatunga! Aitelekaar!" Anangar akopiira naka icetunganan awai naka akouke koipone kangol, emamei itunganan yenelimuni akirot kanuka ngun.

Kosodi kotoma okanisa neilomara ijo toma Omoyo, anyoun kuju kosodi ailulukin, "Aibuses! Aleluia!

Kituritete Ejakait!”

Icetunganan aibelokin, atemar, loibelibelo-lokalaunan.” (Oo, Onac Wood...)

Alosi eong aingit ijo aingiset. Arai irai oni lukalaunak luibelibelos naarai iswamai oni ngun, kesi bodo eraas luibelibelos lumam elaete kokinga kangina. Ejok do eong araut loibelibelo lokalaunan (Mam ti ijo da?) itia lomam elai. Ikatunga! Abeit cut! Luibelibelos lumam elaete.

74 Kwana, ajai ngesi toma Omoyo. Abu ngesi koloma toma Omoyo, ogeunete do iboro aiswamaun. Kosodi neadolio ngesi toma ngina, abu ngesi kiira arupepe. Kwana, arupepe duc elimori adolun naka icebore. Bala nat nekibunio ijo...E-ejai ekabaka adolun, ekutakinete kesi arupepe. Edolu Yesu, ebuni Ngesi akutakin. Ngini erai nakabeit? Nealosio Yosep, akutakinete kesi arupepe. Ido kwana ejai icebore abunore iingaren, abu Yokana koloma toma Omoyo kosodi ngesi aiirar arupepe. Abu ngesi kiira arupepe, kosodi ngesi aibelokin angoliar ibore yenajai kauke nakiiraria ngesi arupepe; akaulo na nges alomar toma Omoyo.

75 Aticepak ajai ngesi ekosio, asomanar, akerit airimor apujan kere. Apupi ngesi ejok, ajai ngesi toma Omoyo. Kwangin, kosodi do ngesi...Epedori ngin osubite bala naemwana, konye mam eong apeleikinit ngin koipone kangol. Eyuunit eong ebe ajai ngesi toma apak naajok kotoma Omoyo, iturite Edeke, naarai ngun becebec kes apotu iswamaunos neabu Emoyo kodoikinio kes kotoma aiboisit nasodit. Neabu Emoyo Lokalaunan kodoikinio kes, apotu kesi iriangiriangas bala ikiliok ka angor nuemerasi, kosodete asubit bala amerasi kesi, ka einer ailelemat. Ka anyara-...inyikokinitos ngaren koipone kangol kiton itunga atemar, “Emerasi itunga lu ebino loitetet.” Koipone kangol nges apotu kesi kojaunotor apak nasodit, kwangin abu Emoyo kobu bobo, ngesi da aticepak abu kojaun koipone ngopengol. Iany ijo? Emamei ibore yenitetet yenikamunit ibore yen-yen, erai lo ediini-lokapak namojong. Eebo.

76 “Toma Omoyo kotoma apaaran naka Ejakait.” Kwana, ipupi oni ngin. Kwana inyobo? Kwana, inyobo ajai ngesi aswam? Aponi do nges ijularai kotoma apujan kwana, kotoma Omoyo, kotoma apaaran naka Ejakait, abu ngesi kiira arupepe. Inyobo ngin? Erai icetunganan ejai adolun. Ejai Lokapolon adolun. Oruikini arupepe, ejai Ecetunganan abunore! Abu ngesi kongolia! Aleluia! Arupepe:

Ebala, arai Eong Alupa ka Omega, losodit ka lokawasia:...(mere alimoret naka etunganan lokiareit arai etunganan lokiuniet, konye Etunganan loerai nges ngopengol bon)...arai Eong Alupa ka Omega,...(“Eroko ber eong kitodikina ijo idiobore, akoto eong alimokin ijo loarai Eong!”)

Naapolon kakere kotoma apukonokineta nges Eidekeone, Eidekeone Lokapolon kakere loka Ejakait Yesu Kristo. Mam ijo ipedori adumun apetetait nasodit kiton ber ijo aiyuun ngin, alomar kinga...Ngun kes nuabala Petero, “Kitoronikinos kosodi do aanyun Eidekeone. Kibatisaunos Kokiror loka Ejakait Yesu Kristo kanuka aisionio naka aibucanaretakus, kosodete do akapakin kanuka alomar toma Omoyo.” Ibore yenisodit yenebeit ijo ojeni nges Eidekeone loka Yesu Kristo. “Arai Eong Alupa ka Omega! Arai Eong agear ko A kiton Z, emamei bobo ece dimarai Eong. Abu Eong kajai kotoma ageunet, abuni Eong ajaun kiton awasia. Arai Eong ngol loabu kajai sek, loajai kwana, ido loebait abunore, Opedor kere.” Koomoom Ngini! Ngun kes nuabala arupepe.

77 Yokana kocoite! Iloma kereka ijo toma Omoyo, ebeit apukokin jo icebore. Inyobo ngin? Aruo naka arupepe, ibore yenisodit, “Arai Eong Alupa ka Omega.” Nasodit kotoma apukonokineta kere. (Oo, ekadiakanaran, kolur, kitoronokin kwana eroko apak kerauna naatubor.) Arai Eong Alup ka Omega.” Ngini nges ibore yenisodit yenabu Ngesi koinak ngol ajenun, loarai Ngesi. (Ingaibo lo ejai edolun? Ekabaka lo erai Yesu? Edeke Ekabaka? Ekabaka Emoyo Lokalaunan?) Abala Ngesi ebe, “Arai Eong kere Ngun! Arai Eong ageun A kiton Z. Arai Eong ageunet ka esange. Arai Eong lomam atwani, Lomam Edaun!”

Akaulo naka apak edit bon kiseseni oni Nges kotoma adokenaKe akanykaarei nuka etunganane, kosesen nuerai Ngesi do. “Arai Eong ageunet ka esange. Arai Eong Alupa ka Omega, losodit ka lokawasia. Ajai Eong sek eroko kejaun losodit ka akaulo naemameor bobo lokawasia, abuni Eong asalit ajai nen,” kotoma akiro ace, “Losodit ka lokawasia!”

...ido, kiwadik nuiany ijo, toma oitabo, kijukak...ikanisan ikanykaarei luejaas Asia; mama ejai Epeso,... Sumuruna,...Perugamo,...Swaitira,...Sarudio,...Piladelupia, ka Laodikia.

78 Eebo, nasodit kotoma apukonokineta kere nges Eidekeone Lokapolon kakere loka Yesu Kristo. Ibusakinit ijo kojoni Loerai Ngesi nakiirara ijo Epororto. Eebo, Eporoto ngopengol loabu kolimor Komoru Sinai, Eporoto ngopengol nges abu kolimor Komoru loka Aijulakinio, Ediopet ngopengol, “Ediopet bala Okoku loka etunganan.”

Kwana kosesen kotoma okokoro loetupakini. Eebo:

Abu kebelokin...(Esula lo 12 kwana.)

Ilosi oni ajalakin ikanisan lu bon apak edit naarai esabiiti loebunit lo kere kotoma okanisa kalo. Itei ijo, kwangin ilosi oni aikalam ngun.

Konye abu Ngesi kotema, "Nu...alosi eong aicorakin ijo aijukar Aisiiraret naetodikini Eong ijo." Ingaibo? "Arai Eong losodit ka lokawasia. Arai Eong Lokapolon. Arai Eong Opedor kere. Ido abunit Eong alimokin ijo ebe ajai Eong ainakin ijo Aisiiraret nejaas ikanisan ikanyikaarei. Akoto Eong ijo aiwadik Ngin, aisikapikin Ngin." Iany ijo? Ido ikanisan Ikanyikaarei luejaas Asia." Kwana, araas kesi ikanisan apakio ngun luajaas kede einono kotomakec loabwoikinitos aturio nuka ekanisa nuabeit abunore.

79 Kwana:

Kasodi kebolokin aanyun eporoto loenera keong, ido naebelokinor eong abu kaany ipirin lukatalai ikanyikaarei;

"Ipirin lukatalai ikanyikaarei. "Kwana, erai e..Eijulune loka King James version, lo aticepak loiijaatar ijo arai Scofield arai-arai aticepak Thompson Chain, arai ece kotoma kesi, mam edolit kanen. Mam ebala ebe ipirin lukatalai, aigangeta nukatalai; abwoeta nukatalai, eyuunit eong ebe, nges akirot naedolit, nailosikina nalimunitai kotoma oijule losodit. Itei ijo, kotoma akiro ace, atalai nu akanyikaarei araas ikanisan ikanyikaarei. Ebala Nges ekauloke ipi-...kotoma okokoron 20 kane, "Ipirin lukatalai ikanyikaarei luibu ijo koany eraas ikanisan ikanyikaarei." Kwangin, itei ijo, korai ti korai akandol, ti kenokia katipet kosodi adungior, kotoma apak naedit. Konye mam erai akandol, erai epir lokatala. Einakinit ngin kwape epir lokatala. "Kebelokin eong abu kaany loasubit bala Okoku loka etunganan ebwoi akidingos naka... akidingos naka ipirin lukatalai ikanyikaarei."

80 Kwana-kwana koany. Ti akandol kenokia katipet, timam keloma kinga, ti emameete bobo ace nuikamunitos ngin, kotoma osawan idis ti edau anokiar. Konye epir lokatala, ikoni epir lokatala bala neta,...

Kane, alemutu ber oni-oni Naiwadikatai kane, alemutu ber oni-oni Sakaria 4:1, kasodete do oni aticepak alemun kanejai Sakaria kangina nuikoto oni. Sakaria 4:1 ido eyuunit eong do eong ebe kotoma kana ipedori oni aimorikikin nepepe ngun nuikoto oni. Mam eong apedorit adumun Sakaria kotoma Sepania, eong apedori tope? Eebo. Ejok. Ekabaibuli lomojong eyapie adaun. Sakaria 4:1, kopupok ejok kwana, idumuni ijo aput najokan:

Kobu emalaika...

Enabi, kwana, ikaru akwatakany ka itomon ka lukanyikaongon eroko Kristo:

Kobu bobo emalaika lokinera keong kitekweny eong, kwape itekwenyunia itunganan kajoke, (Kwana ejai enabi toma aitapoet.)

Katema ngesi eong atiar, Inyobo iany ijo? Katema atiar, Aany, ido koany, epir loka atala...(Kwana, akiro ngun ngupengun ijulunitai abwoet nakatala.)...loka esabu kere, atubake da...kujuke, (Arai ngin atala.)...ajaas da kaketalai akanyikaarei, ajaas da ipiin ikanyikarei nginidiopet naka atalai, nuajaas kujuke: (Iany ijo, aturio ngupengun elomunete. Itei ijo?)

Kidunyas kikito iarei luka eseitun,...(Kwana, loka eipone enyoin e...inyobo enokete kesi kotoma atalai ngun kotoma apak naka Obaibuli? Idiotunganan ejeni? Akinyet. Akinyet naka eipone enyoin? Akinyet naka eseitun.)...ikito iarei luka eseitun... (Inyono ngin? Aitutuket Nakitetet ka Namojong kosiepike.)...ediopet kosiepike lokoteten loka atuba, ece da kosiepike lokokediany.

Kabongok emalaika lokinera keong atiar, Ejakait, anyoika bo nu?

Kasodi emalaika lokinera keong abongokin eong ebe, Mam cama ijo ijeni ngun-ngun? Katema atiar, Eeca, Ejakait.

Kosodi ngesi abongokin eong ebe, Na nges akirot naka Ejakait neejai Serubabel ebe, ebala Ejakait loka ajoresio ebe, Mere kanuka agogong, karaida kanuka apedor konye kanuka Ekamoyo. (Inyakakini Ngesi Yerusalem.)

81 Kwana, inyobo epir lokatala? Erai abwoet nakatala. Ido koany eipone loibusiar. Kane, neebelokinor ngesi, abu ngesi koany Loaputos bala Okoku loka etunganan kane ebwoi kakidingos naka ipirin ikanyikaarei luka atalai, luerai akecepolou aturio akanyikaarei nuka ekanisa nuabeit abunore. Ido kanginipii, arai-araboot abwoet naka atala, ilumokitai toma amot adiopet naepol naejai akinyet toma. Ido kotoma akinyet kana alomunit kiton neejai atala nakepitai eipone loitegelikina kosipo kede eusi kotomake ido kijesara eusi kiton cut neejai akinyet. Ido anyoun ne...Abukonokino akinyet kuju naka abwoet, naelelebi atenut nati napolon, ka atenut nati, kosodi alelear nejaas atenun nuce kere, koipone kalo. Ido atala najai eusi iledo kokwap, naka epii kalo-kalo kiton toma e...inyikokinite ainok, apaaran ka akuar. Mam epuda ijo ainokokin ngin, mam adungiori; enyikokinito kesi abukonokin akinyet opii loapolon. Ido abwoeta nu nuka atalai nualomunitos kinga kwana, ajaas kede atalai esiposi kokujukec. Eusi loalomunit kanejai atala ejesun kwap ne, adumuni akeijar kane. Oo, ikoni aitegelikinet ngin ai kama ejai atala. Itegelikina biai! Erai epir lokatala, ido ejai iriit akinyet.

82 Kwana, ipirin lukatalai lu, akim naajai opirin lu lukataalai kotoma Aitutuket Namojong. Neenokokinere

atala adiopet, mam bobo enokokinio atala natupakini kede akim ngipengin naetingitos kesi kakanikec. Enokokinio atala adiopet, kosodete alemun ngin ido ainokokinia atala nace ya, kosodete aibwaikin kwap. Kosodete ainokokin atala na, kosodete alemun ido ainokokinia atala na kede akim ngipengin naapotu kesi kogeunatar kotoma ageunet. Oo, amuno eong mam ngin enyouni kotoma akoukon. "Yesu Kristo ngopengol bian lolo ka ikar kere," akim ngipengin (Emoyo Lokalaunan) nges enokokini kanginidiopet kotoma okanisan kangul cut anatar aturio kere.

83 Mam kereka Yesu abala kotoma Yokana Lokalaunan 15, ebe, "Arai Eong Emusabibu iras yesi atenuun"? Kwana, erai Ngesi Emusabibu lokapolon, irai oni atenuun. Kwana, mam atorom erai araito...

[Aiboisit naemamei ibore kateepu-Ekewa.]...ebe ipedori ijo alemun ekitoi loka emucuga, bala emucuga loewiiny, kosodi ijo atubun a-atenut awai naka-awai naka, eebo, ti eong atema ebe, ekitoi loka araito naka grapes, kosodi aicil aiboisit mot kokitoi lomucuga kosodi aropikin atenuun ngin naka grapefruit toma acilasit ngin naka emucuga, epoloor. Ilosi ijo kane kosodi alemun atenuun naka enimu, kosodi aropikin ngin neejai ekitoi loka emucuga loewiiny, epoloor. Kolemumu pomegranate kosodi alemun ngin. Arai araito adio naka ateker naka emucuga, emakada arai tangelo, edio kotoma kangul araito naka emucuga, kosodi aibwaikin kes toma okitoi lo, ido ebuni alibun kotoma aijar naka ekitoi loka emucuga kangol; konye mam ebuni aira araito naka emucuga. Ebuni aira araito naka grapes, ebuni aira tangelo, ebuni aira enimu, konye koriduna kotoma aijar naka atorom nakabeit, konye arai kelibu atorom ngin acetorom...acetenut, ebuni araut aijar ngipengin naejai tomake, ebuni aira emucuga. Naarai, kotoma ageunet, kotoma aliasike erai aijar naka ekitoi loka emucuga, konye epedorete ice aijar kotomake anyoun naeraar einono loka araito naka emucuga. Konye mam epedori aira araito nasodit, naarai mam erai naka losodit.

84 Koipone kangol nges ejaar ekanisa. Acilata kesi Emusabibu kosodete aropikin toma Presbyterian, Methodist, Baptist, ka ice da koipone kangol. Ejai aira araito naka Baptist, araito naka Presbyterian, araito naka Methodist, konye arai...arai itolomu ekitoi ngol atenuun ace, ebuni araut atenuun naka eipone loka emusabubu kangopekangol loabu Ngol kitolom kotoma apaaran naka Pentekosit: Emusabibu logeunet! Ebuni Ngin einer kede angajepa ka ajaun kede apedor ka aanyununeta kotomake nuka Kristo loabu kojaru. Inyobo? Naarai elibunit kotoma okitoi obe loiraikinitai nges toma. Atemasi, mam iraikinitai tomake, euruunitai kotomake! Kituritete Ejakait! Oo, ikatunga! Mam cut abu koomoomote nuka ngin kapak kangin.

Koany, nuce nu aropikinitai toma; eropikinete kesi ngun toma okitoi, kwangin eraete do kesi eipone loka akeceraito kikulepek. Mam kes epedorete alemun *Na*. Mam kes iyuunitos *Ngin*, naarai mam kes ejenete idiobore yenikamunit Ngin. Konye arai euruunitai kes kotoma Aijar ngipengin naalomuni kotoma okitoi kangol, ngin bon nges ibore epedorete kesi aira, nges Aijar naka atorom nageunet.

85 Atoromin nu nuka atalai kere ilosikina toma atuba adiopet napeti naepol, adaketait adiopet, ido akanyikaongon nuegelegela...arai ipirin lukatalai ikanyikaare alomunitos kotomake. Ido nakiswamata kesi, kangin aica kotoma kangun amasi kotoma ailibunet napolon naka akeijar. Ido akeica arai naarai elumokitai aketala kwap toma atuba na napolon. Oo, ibus bo lolo aitupuset na biai naka adiopet kotoma acer ngun akanyikaare (abwoikinit ngun) kede akeijar ejai toma akim kede Emoyo Lokalaunan, ido akeijar erai atala, araibo mam erai atala, konye eusi loilumokinitai toma Omoyo Lokalaunan (toma Kristo), ido kotoma ousi ngol nges ematununa ngesi Aijar naka Edeke kinga kanu ainakin Aica neejai ekanisake. Oo, eipone aput anyoin naka ekeyuunan lokabeit! Eipone aica ani ejai ngesi ainakin? Eipone ngopengol loka Aica naajai neenokokinere atala nasodit.

Neageunor atur nasodit naka ekanisa, arai Epeso. Paul, emalaika loka ekanisa, ediopet koma acer. Ejaas acer akanyikaare naera akepolou imalaikan ikanyikaare, "ikiyakia," ikanyikaare. Esabiiti lo apedori eong alemun Naiwadikatai ka akiro nukolosek kasodi aitagogongoikin ijo nginidiopet kotoma kanu eraas abeit kotoma ngolimalaika, ido ngolimalaika ajaatar kAica ngipengin. Edolit ngin. Kosodi do akidingos cut naka aturio kanu, Ngol lokapolon loebeit abunore.

86 Koany, kwana ematununete kesi kanejai atuba na nakapolon naka Akinyet, Aica...ilumokinitai aijar toma Kristo. Itwanit ijo, ido ibwaitai akoniijar kotoma Kristo Yesu kotoma...arai ibwaitai kotoma Edeke kotoma Kristo, ido kipucakinitai kede Emoyo Lokalaunan. Emamei eipone cut loka alemar ijo awai kanen. Eipone ali ipedoria ijo aswam ngun? Emamei itunganan yenepedori aboliar ijo. Angetakinet naka aijarakon enokie kede Emoyo Lokalaunan; oo, enokie, koinakini Aica. Aibo ilumokina ewai je loka aijarakon? Toma Kristo. Ibwaitai teni ijo abeit kotoma Kristo, Emoyo Lokalaunan, egolorit ngin awai ngina ebe ipedori ijo... mam ajokit epedori atiror ijo. Amen! Epedori Ngesi airurum kosodi acelanar. Karaida atwanare alopet mam epedori atiror ijo, "Wu atwanare, aibo ejai ekonitidot? Aibo ejai akonipikor? Ituritete Edeke loeinakini oni aipikor kotoma Yesu Kristo."

87 Angeset naka ekokoro, kasiomata ber oni ngin:

Ido naebelokinor abu kaany, ipirin ikanyikaare lika atalai;

Ido kokiding ipirin luka atalai kaany loaputos bala...Okoku loka etunganan,...

Ikatunga! Ijo kobu koany? Aacer, ipirin luka atala, atabasan. Anyoin bo akepolou? Anyoin bo apolou kana? Ebe apak najari oni kotoma erai apaaran naka akuar, atalai ka akimian ka aacer itodumitos akuar. Ido inyobo iswamai aacerit? Itodiari aica naka akolong kiton nebongunio akolong. Kisirerengitete Ekiror loka Ejakait! Ido ejaanakinan lokabeit mam itodiari ecetoci, acekiribiti, acegugu enokie; itodiari ngesi aimiliaununeta nuka esabu nuka Kristo nejai Ekanisa, ebe, "Erai Nges ngopengol, ido ejari Ngesi, ido ecaikinit Ngesi mamaka." Amen! Ngin nges Aica naitodiari ngesi. Itodiari aacerit aica naka akolong, itei ijo, kwangin itodiari oni Aica naka Okoku loka Edeke. Iswamai ibore ngipengin yeneswamat Ngesi, ainanakin Aica. Eipone aica ali? Aica naka Akiro nukajokak nejaas ngul.

88 Kwana eyatakisi ber oni asesen Nges mot, kwape kilemunia oni ekokoro lo 13 kere:

Ido kokiding (kiding nen) kipirin luka atalai kaany loeputosi bala Okoku loka etunganan, enapit anapito naedolit akejen, koenite da amuny naka esabu atorobuke;

Kwana aitogogonget ace ebe aisisianakin na erai naedolit ebe erai ngin apaaran naka Ejakait. Ijo ibu koany Ngesi? Mam Ngesi kerai esasedoti kotoma apak kana, karaida Nges araut ekabaka, arai Ngesi ekatubon. Koany, esasedoti, esasedoti lopeti, neabu ngesi kolosio toma aiboisit nakalaunan arai alosit toma aijaanakin, aswam, abu ngesi koenite akengabet. Kotamite aiwen arimor angabet, akepolou ebe ajai ngesi ajaanakin; mam aenikinit ngin okeperike. Konye kane abu Ngesi kolom kinga, alomun kinga kede amuny keinikinitai arimokin kuju, kede

ausi kokeperike; koenite aketorob, ikisina, kede amuny naka esabu, koenite kuju noi. Inyobo ngin? Epulida, ekatubon. Ekatubon kede akeusi kokeperike, koenitete kane, mere kwap kwape esasedoti. Itei ijo, itodunit ngin ebe mam Nges ajai toma osasedoteneke kwana, abu Yokana kolot cut laiije toma apaaran naka Ejakait kosodi aanyun Nges ebuni kwape ekatubon.

89 Ijo iyuunit ebe erai Ngesi ekatubon? Asiomata ber oni Yokana Lokalaunan, katipet noi, ibuni oni aanyun arai erai Ngesi ekatubon arai mam. Yokana Lokalaunan 5:22:

Mam Papa etubokini idiotunganan kere akiro, konye ainaki Okoku etube kere:

Ngin edolit? Erai Ngesi ekatubon, Ekatubon Lokapolon kakere. Ido itoduunit Yokana ebe mam nges ajai toma apaaran naka aidwaraKe, kwape enabi, karaida Nges ajaut toma apaarasia nuka ekabakaneKe, konye ajai Ngesi kotoma apaaran naka Ejakait kwape Ekatubon. Kwana, imwasi ai ejenete ebe esasedoti loajaatar kamuny, aunoke arimor akengabet kerai akepolou ebe ajai ngesi toma aijaanakin? Idiotunganan kere yenesiomi Aitutuketa, yenejeni Aitutuket Namojong, ejeni ngun. Neenitor esasedoti arimun ne, ejai ngesi toma aijaanakin, erai ngesi ebulesit. Konye aenen Ngesi airimun kokuju kane, ekatubon.

90 Eyatakisi ber oni aisiom ngaren:

... amuny naka esabu...ajai...okisinake...

Edolit ngin, kuju arimun ne, arai Ngesi ekatubon.

Kwana ilosi kwana oni aisiom adokena akanykaarei nuka aibuses naka EtungananeKe. Oo, ikatunga! Einakini na eong acelar eroko edolokina neke. [Aiboisit naemamei ibore katepeu-Ekewa.] Koany! Oo, erai yen ibore yeneumokina noi. Opupok:

Akekou da...

Kwana osesen, Ikeboro ikanyikaarei, kane elimunit ngesi: Akekou, Iketim, Akekonye, Akekejen, Ekeporoto,...Iboro Ikanyikaarei kes elimunit Ngesi kane, adokena akanyikaarei nuka aibuses naka Yesu Kristo. Ber eong asiom Ngin:

Kokwang akouke ka iKetim koraas da kwape ajul nukakwangak, kwape akako;...akekonye da kwape...apeloret naka akim;

...akekeje...aikomon nuepwatat bala kinokitai kotoma oupa; ekeporoto da...kosubite bala eporoto loka akipi nuipu.

Ido kotoma... abu kitingite aacer akanykaarei kakanike nokoteten: Ido kolom kaitukuke ekileng loekwana iwaitin iarei kere: ereeteke da kosubite bala akolong naecai kakepedor.

Ikoni bo lolo aitapoet na ai! Inyobo abu ngesi koany kane? Okoku loka Edeke loitubusikinitai, ka ejununet. Kwana, akapakinis ber oni-oni kwana.

91 Oo, ikatunga, aomit eong ebe kedol iasawan iuni, erai iarei bon. Mam ber eong ageunit da. Eebo. Ejok ngin. Kwana, aiturur kanuka iinacan lu luebwoete, einakinit eong aitakadikina asesen kesi ibwoete, itei ijo, naarai ajeni eong ebe apipilaros akecekeje. Karai ti eong kajaatar keceipone iinacan, loka idiobore yenapedori eong aswam, abeit cut ti eong keswama ngin. Kwana, akoto eong ijo adumun na erono noi. Ido kobwoata apak edit ido korop yesi Edeke kabarara, nges akailipa.

92 Kwana-kwana koany, ibore yenisodit, kwana kianyuni oni ebe, Akekou kede Iketim akwangak bala ajul nukakwangak. Kwana, mam erai akepolou ebe amojongit Ngesi, ngesi kiswamat nu. Mam ngin arai apolouke ngin. Mam Nges amojongit tetere iswamai na. Arai Ngesi...Arai naarai kanu Akemisiarit ka Akeibecokina ka Akecoa. Naarai kerai Ngesi lomam Edaun, ido lomam Edaun mam emojongi. Ijo imisiikinit?

Apukosi ber oni nasodit, ido ibuni oni-ibuni oni aitacaun Nges kane kwape na, ido ibuni oni ajenun nuerai Ngesi. Kwana, kapukosi Daniel 7:9, kanu apak naedit, ianyuni ijo aput ngipengin kotoma Daniel neebunio Ngesi kwape...kane kotoma apakio Nungo. Ido aitelekarit nginitunganan, esisian loka Ebaibuli, ejeni cut ejok neijai oni aitenar kwape kwana. Daniel 7, ido ekokoro lo 9; abuni eong ageun kalo 8:

Abu kerere amumwara, ido koany, kolom kotomakec...amumwarat ace, naedit, aponi korutoroi amumwar auni kangun nusodit kakonyeneke: ido koany, kojaas akonye toma amumwarat ngin kwape kakonye nuka etunganan, ka aituk naenera nukos.

Abu kasesen aitodol neebwaikinere iicolongo,...

Kwana kopupok. Kopukok ejok, kwana. Yesi ipedoritos aipup eong ejok kokau kangina? Kotemasi "Amen," arai ipedoritos yesi. Abu eong kengit akaberu kokau kangina. Aomit eong amaik na...Ecai noi kane, mam? Kwana, eketanakin eong noinoi, aomit eong, kotoma kana.

93 Eebo, kwana Daniel 7:9

Abu kasesen aitodol neebwaikinere iicolongo, kiboikin emojong longorot kokwang akenapito kwape kakako, itima da luka kakouke kwape...kajulo nuliogot nuka amerekekin: (emojong longorot)...eicolongoke kosubite bala aipelonoreta nuka akim akekokoron da bala akim naesarani.

Kolom ecor loka akim kolelei kakonyeneKe: kijaanakinete Nges ilukumin elukumit, kobwoete ilukumin itomon irwan ilukumin itomon kakonyeneKe: kojau etube, kopukorai iitabon.

"Itim lukakwangak!" Kere...idiotunganan ejeni ngun ikatubok kotoma apaarasia nungo. Kwape ikatubok Lumusugun atapit kesi anapit akopiira nakwang bala akako. Imwasi bo ai iitunitos ngun? Ikatubok lumojong lungu anapete akopiira nakwangan naarai araas kesi...Ido Ngesi lo ejai ne, itoduni bobo ebe kejai Yokana toma apaaran naka Ejakait, abu Ngesi koany Ngol kwape ekatubon. Amen! Mere kwape esasedoti, mere kwape ekabaka, mere kwape enabi, konye kwape ekatubon. Papa (Erai Yokana Lokalaunan 5:22 abu kititingik etube kere nejai Ngesi. Ido erai Ngesi ekatubon kwana, ebunit atubokin atekerin. Oo kanuka apaaran kangin naianyunia jo Ngesi kopone kangol! Akwangak iKetim bala bala akako, abu Daniel koany Nges ebunit mama ejai Emojong Longorot. Kosesen Nges erucokin nu aarei nepepe. Ejok:

94 ...ido kojau etube, kopukorai iitabon.

Abu kasesen kapak kangin kanuka eporoto loka akiro nukos-nukos nuenera amumwarat...(Mam, alemunit eong aiboisit naegitara, mam?)

Daniel 7:9, eebo, ne nges ijai oni:

...akekokoron da...

Kolom ecor loka akim...kolelei...akonyeneke: kijaanakinete Ngesi ilukumin elukumit,...

Abu kasesen kapak kangin kanuka eporoto loka akiro nukos nuenera amumwarat: abu kasesen kiton nearere etiang, komudiarai akekuan, koinakiniai aicweio kakim. (Uum!)

Luesalito da luka itiang aponi kolemarai ayaitekec: (Eraas ngun apedorosio kere nuka Imo ka akabakanuto epote aibiror) konye aponi kiyatakinai aijarakec ekaru ka apak.

Abu kasesen kaitapoeta nuka akuar, ido koany, kobu etunganan kodouon luka akuj loasubit bala Okoku loka etunganan...(Eipone ali apotu oni kaanyuniata Nges kotoma atupuruc kana, kotoma okokoro lo 3? Ebunit kodouon luka akuj, Okoku loka etunganan)...loasubit bala Okoku loka etunganan ebunit kotoma odouon luka akuj, kobu Ngesi mama ejai Emojong longorot, kisukunyikinai kakonyeneke.

Aponi koinakinai Nges ayait, ka aibuses, ka ajakanut, tetere ijaanakinete Nges itunga kere, ka atekerin ka angajepa: Ayaiteke erai ayait namam enangi, namam etubor. Akejakanut da namam emudiaro.

95 Abu kobu mama ejai Emojong longorot loakwangak iketim bala ajul nuka imerekeke. Kosodi Yokana kibelokin kosodi aanyun loasubit bala Okoku loka etunganan kokiding naka ipirin ikanyikaarei luka atalai, kede itim lukakwangak bala akako, Ekatabon! Mam aenikinit amuny angabet, konye aenikinit amuny atorob, kuju ne, ekatabon! Kede ausi naka ekatabon kokeperike, abwoi kede amuny naka esabu, naepiororoi, kolai, kopwasitete naadakit aKedolit. Akeimukis! Emukoro Ngesi kere kiton akeje. Kosesen adokena akanyikaarei nuka aitodianareta nuka etungananeKe ka aibuses.

96 Kwana, eyuunit eong, ekokoro lo 14:

Iketim...Akekou ka iketim da kwape ajul nukakwangak nuka imerekek, kwape akako; akekonye da kwape...aipelonareta nuka akim;

Akou, itim, "akonye kwape apelonoreta nuka akim." Koomoom nuikamunitos ngin! Akonye ngun nuapotu kadiopepaaran komusumusutu kakiyo nuka etunganan, kwana araunos aipeloret naka akim. Kotoma anyunyura ebwoi Ngesi kanen kwape ekatubon loenyunyura. Kanukinyo bo kingerioto yesi Nges? Oo, ikadiakanaran, koomoom nu! Koomoom ngun, emeeba loijalam loka ekanisa! Koomoom ngin, Atulik, Baptist, Presbyterian, Petekooti! Koomoom ngin, Atulik! Akusibekot Mariam ajai alosit Pentekosit kosodi adumun Emoyo Lokalaunan, kosodi ariangiriangikin kosodi asubit bala aberu naemera. Toto alopet naka Yesu Kristo ajai nges adumun ngun eroko kecamakina nges alomar toma Akuj. Eipone ali iponiata yesi angor alomar ngina kede idiobore yenimam erai ngun? Koomoom ngin, ikiliok, kanginidiopet kayesi!

97 Iketim ka akekonye nuamusumusete kadiopepaaran kede akiyo nuka etunganan, konye ekoto ijo ajenun icebore yenikamunit akonye ngun. Neajaar Ngesi toma akwap ber, amusumusete ngun kakiyo kwape etunganan, naarai abu Ngesi komony kates naka Lasaro. Eebo! Ilebaba aitim; Akeraut etunganan. Etanapitai Nges, arai Ngesi Edeke enapit etunganane, ajaatar Ngesi kibore kokauKe yenapedori asesen kwap naka etau loka itunganan ka ajenun nuikamunitos nges. Kanukinyo? Ajai icebore kauke, konye konapite Ngesi akuan naetwani.

Konye mam kes ajenete loarai Ngol. Abala Ngesi ebe, "Arai mam yesi iyuunete," "ebe Eong nges Ngol, itwakikinite toma adiakaretakus." Nakabeit ngin. "Arai mam Eong eswamai awamisio nuka PapaKa, kiyuutu do aswamisio arai mam yesi ipedorete aiyuun Eong." Oo, eipone loatamitor Ngesi aitodolikin Aisiiraret mamakec, apukokinio. Apedori asesen cut toma otau loka itunganan, ajenun kere nuikamunitos ngol. Eipone loaomooma eong nuikamunitos ngun: akonye ngun nukolo emiliasi kokuju naka imor, kosesenete ireetin luka lukican, ido aimony bala etunganan, konye kereka kopedori alemun Emoyo loka Edeke kokau naka aitapoet kangin naka etunganan kangina kosodi asesen iboro kere; Iboro luajaas, iboro ngul luajaas-luajaas, ka iboro luebeit abunore. Aidwar awasia kotoma ageunet, arai ngin naarai ajai Edeke kau naka akonye kangun nuka etunganan. Kober Edeke toma ajarakon kosodi aiya ijo, ido ebuni Ngesi aitodianakin ijo iboro luepote. Naarai mam bobo erai ijo, erai Emoyo Lokalaunan kotoma ajarakon kokau kanen eseseni kotoma akonye kangun nuka etunganan elemunene iboro kinga.

98 Oo, aibuses kojai neejai Edeke! Abukokini Eong Ekamoyo nejaas awate kere, kosodi edwarete odwekus lusap ka lupesur, eanyunete atumunakus aitapoeta, irujaete ipolokokus airujasia." Aleluia! Acepekio ibwaikini Ngesi ijo toma ajo tetere Nges epedori asesen kotomakon, konye itodikini Ngesi ijo kotenan irwan ipu. "Epote atumunakakus lusap asesen aitapoeta, irujaete ipolokokus airujasia: abukokini Ekamoyo nejaas Akabulesin ka akabulesin." Mere, "Nejaas Ikadikonin ka icokok, ido nejaas Ika..." "Neejai nginitunganan yenipuda, nejaas awate kere, abukokini Eong Ekamoyo." Iumokinit ijo ibore yeneworo eong ngin, konye ebunit kotoma aturio kanu nuka ekanisa.

99 Oo, Engol ajai nen, akonye ngun. Ido, kiitu, adiopepaaran, akonye ngun nuamusumusete kede akiyo, epote akonye ngun aibwo kotoma otube. Kwana koraas bala aipelonoreta nuka akim kokerete iingaren ka kau kotoma akwap kere, ido emamei ibore iswamaun dimikito nuejeni Ngesi. Oo, ikatunga, iwadikao erekod. Ekerete iingaren ka kau kotoma akwap kosesenete kanginikunyakinet, komisiikinite nginiomisioisit, kojeni nginibore yeniswamai ijo, alosikineta nuka otau, nuilosikinit ijo aswam. Ejeni Ngesi kere nuikamunitos ngun. Ejeni Ngesi arai imina ijo Nges. Ejeni Ngesi arai edolitos akonilosikineta, kanu aijaanakin Nges. Ejeni Ngesi ngun kere. Ikonakini ai neibwoia ijo kapaaran kangin neidelelunio nginidiakar akonyeneKe, ido kobwoi Ngesi kanen kOicolong Lokakwangan loka Etube?

100 Edeke, kolakunai eong kotoma aiboisit kangin! Mam eong akoto aanyun ngun. Naelomunia Edeke ngol loenyunyura kede akim ipelunun kakonyeke, kede adolit, akopira nakwangan kokuju akauKe koipone kangol, ido Akekonye kipelunun akim naejeni nginiomisioit naka etaukon, naka nginibore kere yenibu ijo kolosikinite aswam. Kibwa eong kotoma Atiida naka Aturio naabu kocila kanukang! Atapit ekesa loamojongit awoere, "Naebiranunia akwap na kere kakim kobwo kosiepika. Kobwo kosiepika, ido koraun Atorobukon aicolongisika. Kibwa eong kotoma Atiida naka Aturio." Edeke, mam eong akoto Ekonitube. Mam eong akoto Ekoni...Ibore yenakoto eong nges aKonisianut, Ejakait. Koinakinai eong Akonisianut, mere Ekonitube. Koinakinai eong Akonisianut. Mere Ikonikisila, mere edio...Koinakinai eong asianut, Ejakait, kes ngun kere nuapedori eong aingainga kanukec. Emamei ibore ayangaunit eong kakaninika (Emamei eong ajokis, emamei ibore yenilemuna), bon kapatan agongakin eong Omusalabakon. Ejakait, kes ngun kere nuajeni eong: abu Ediopet kobu ayangar akaiboisit.

101 Kosesen Akedokena nuka Akeraut etunagan kwana nuka Etungananeke, ido ibuni ijo aanyun ngun nuabu Ngesi kiswama.

Akekou...kokwang bala akako; kwape ajul, itim lukakwangak; aKekonye da kwape...(kaanyutu ber oni) ...Akekou...kosubite kwape kakako; ido akekonye da kwape...aipelonoreta nuka akim;

Akekeje da kwape...aikomon nupewatat, bala kinokitai kotoma oupa;

Kwana kosesen. Apotu oni kajenutu neemukor Ngesi, ijeni ijo. Kwana kosesen. Akekou, Akekonye, kwana elosi Ngesi kwap kiton Akejeke bala aikomon. Kosesen aitupuset kede aput ngin kanen naabu Yokana koany naka Yesu, ka naabu Daniel koany nuka apugan naka akwap, akou naka esabu kaceda.

Kosesen nuarai na kane, ebwoi kane, aikomon. Inyobo inerasi aikomon? Inerasi aikomon nuka etube, etube loka Edeke. Itodunit ebe ebunit Akelosikinet naileleba kane kotoma akwap kwape Edeke, aitarauio akuan, ido abu Ngesi kotwana kanuwok kosodi alemar itubesia luka Edeke, itubesia luka Edeke, ido adumu Akabakanut naerai aikomon, ido kogogong, ido mam epedorio aijangakin. Emamei ibore yenegogong adepar aikomon, ido mam edumuna ibore ber yenepedori aijulakin ngin.

102 Etube! Aikomon inerasi nuka alimorio naka etube loka Edeke. Kosesen emun loka aisinit kotoma amodingot. Inyobo abwoikinit emun loka aisinit? Emun abwoikinit adiakar; konye, kwape araar aisinit, adaunitai atubokin adiakar.

Kwana, koany apaarasia nuka Eliya, neapotu kesi kongeroto Eliya kwape enabi, iusi ngin, atur naka ekanisa nango. Adiopet kotoma apaarasia kanu abuni eong aitolomun kasodi aitodikin ijo ebe ajaatar Isirael da katurio akanyikaarei nuka ekanisa, ido aputosi cut kede nu. Ido kotoma aturikec naka ekanisa, kotoma apaarasia nuka Eliya, apotu kongeroto ngol ido kojaunos ikaru iuni kede ilapio ikanykape emamei akiru. Ido enabi longorot nges kelimuni ebe "abu akuj kosub bala aikomon," etube loka Edeke neejai akwap kanu ainger Edeke kosodete apupokin Yesebel.

103 Aikomon da ebwoikinitos etube loka Edeke kotem neaarere asubanit, etem loka aikomon. Earitai... Apeteta da obe keraai aikomon, etube, abu Ngesi kicakacak acues naka ebino loka adedeng loka Edeke kosodi ayangar ewokotube mamaKe. Kopuko Apukokinio 19:5, kasiomata ber oni ipak edit arai apedori eong adumun. Eebo, ageutu nepetai e...anyutu, bala okokoro lo 12:

Ido akekonye eraas aipeloret naka akim, kejaas amekemeken nuipu akouke; kojai kekilor loewadikatai lomam ajeni idiotunganan dimarai...nges bon.

Konapite anapito naebwasitai aokot; enyaritai ekekilor Akirot naka Edeke (Kwana kiitu, mam Ekekilor arai Akirot naka Edeke, anyaritai Ekekilor ngol. Iany ijo)...ekekilor enyaritai Akirot naka Edeke.

Kotupakis Nges ajoresio nukotoma akuj, kibwanenito ibalasin lukakwangak, konapito ebaputa loejok, loekwang, loelai.

Elomuni ekileng loekwana kaitukuke loinomia atekerin, icokiei kes kebela loka asuat: ido icakacakai Ngesi...(Inyo ngin?)...icakacakai acuet naka ebino loka anyunyura naka Edeke Lokapedor kere

104 Anyoika abu Ngesi kiswama? Ajai anyunyura naka Edeke mamawok kanu araut ikadiakanarak. Ngin arai nakabeit? Amamei itunganan yenapedori aitajar akekuan. Amamei ibore yenabeit oni aswam, oni kere "kiurikinitai toma adiakar, itolopolounitai kotoma opali, ibunit toma akwap inera aingal. Ido anyoika abu Ngesi iswama? Abu Ngesi kobu toma akwap, Aleluia kosodi aicakacak acuet naka ebino! Anyunyura kere naka Edeke Lokapedor kere aponi kobukokinai neejai Ngesi. "Irai Ijo loibusakinit, Wu imerekek yenika Edeke, aponi Ijo koaari," Aimarakin adikanareta nuka akwapin mamaKe, kosodi Ngesi aibwok adiakariwok, ebe abu Edeke kobukok adedeng naka aKenunyura neejai Ngesi.

Emamei etunganan loetwanitor kwape Etunganan kangol! Abu Ngesi kitor ocan kiton aokot kede akipi atiak kotoma akuaniKe. Kosodete aitununeta nuka aokot aitunun kama ejaas abukioke naperoko Aketwanare.

...acuet naka ebino loka...anyunyura...loka adedeng...naka Edeke Lokapedor kere.

105 Adiopepaaran akeje nu nuka aikomon nuka etube (Aibuses!), neebunio Ngesi kwape ekatubon, ebuni Ngesi aicakacaka lokasurup loka Kristo, ido lukasurupoKe kere. Aleluia! Ebuni Ngesi alosit kotoma akwap kede ebela loswat kakaniKe. Amen! Oo, kitoronokin, opeperoka loirai ekadiakanaran, nape eroko ijo arereng ejai aitoronokin. Aitam, apalun ngin kosodi aomit bala eraas awaragasia numam iswamaunos. Ebuni aswamaun! "Mam ebuni aiswamaikin eong." Ebuni aiswamaikin ijo!

Akeje nuka aisinit, aicakacaka lukasurupoKe. Naarai abu Ngesi koany ican kosodi aicakacak acuet naka ebino loka adedeng naka Edeke kanu aitac awokodiakanareta. Ido oni, luikamunitos akiro, lukican, ikur lutai kwape kaoni, aikeunun iwokikumes kuju kasodete aisiom itaabo ice yenikapirin kasodete aitam aomoom ebe "emamei Edeke," kosodi atemar ebe "emamei ibore kwape *kayen*, ido mam etube ebuni." Ebuni Ngesi alemun akeje ngun nuka aikomon kosodi ainginyinginyiar lokasurupiKe. Ebuni Ngesi aipudapud lokasurup. Ebuni Ngesi alemun ikanisan ngul luka aingal kosodi aledokin kes nemamei esange ngina, nenice toma akim neemudiarere ngin aicwear kosodete atamamaun cut. Ido ebuni Ngesi aipuga kotoma akwap Nges kede Ekekanisa ikaru kere. Abuses!

106 Akou, naekwang kwape ajul nuka imerekek," adolit, aijen, loejeni einer ejok, loilosikina, acoa.

Emojongit, ekwang, inera nukacoa, loemojongit. Ejeni nuiswamai. Erai Ngesi-erai Ngesi Atan nakacoa. Atan naka aijen. Erai Ngesi Atan naka nginibore kere yenajokan, kanukangun itodunitai Nges kotoma kana bala Okoku loka etunganan, etanapitai itim lu lukakwangak ijեսuna kwap. Abu Daniel koany Nges ikar luipu akwat, ikar akwatakanyikaarei, kosodi atemar ebe, "Arai Ngesi Emojong longorot . Ido loasubit bala Okoku loka etunganan loabu kobu kotoma apedor kosodi aimorikikin kede Emojong longorot lo, kosodete aitegear etube."

107 Kwana akoto eong ber aingit ijo icebore. Eneraas eong kede ijo ekanisa loijalam. Apotu abekon atomon kolototo airiamun kede Ejakait, akany kakesi araas nukacoa, akany kakesi abangaka; kwape apotu oni kalemuniata atupuruc na, ekitoi ngol loeropikinitai. Kwana, kiitu, kwape alomariata kesi kinga airiamun kede Edeke...Kwana koany, abala Ebaibuli ebe, "Aponi kopukorai iitabon." Daniel 7:9, "Aponi kopukoroi iitabon." Eitabo loka ikadiakanaran. "Kosodete apukor eceitabo." Ingaibo abu kobu kede Nges? Ekanisa kotoma aurupoorio. Oo! Itomoneta luka ilukumun irwan ilukumin luka ilukumin apotu kopotu kede Nges kosodete aijaanakin Nges," Akeberu, Ateran. Oo, aibuses! Abu Akeberu kobu kede Nges, Ekanisa.

Aponi kitegearai etube, kosodete apukor iitabon. Kopukoroi eceitabo, loarai abekot naajotoi, kotubokinai nginitunganan kwape ajaatar koitabo. Eponio aicorakin ijo ainakin apolou namam ijo ibu kismama, idobodo konyet atiar ai kapak kangin? Ijeni kwana ijo ejok, ijeni ijo ejok. Mam aticepak ijo ijenunitor lem, konye kwana ijeni ijo. Iany ijo? Arai ber etiono aitajar ikadoliton, aibodo etakanunia ikadiakanaran ka yenimam eyongit Edeke? Ngin yenegiri, yenejeni ejok kosodi aigir Ngin. Aibodo etakanuniata kesi? Akekeje kwape aikomon, etube loka Edeke.

108 Kwana, aanyutu ber oni, ibuni kwana oni...kwap kiton angeset naka apapula kwana:

...itima bala ajal,...akekonye da bala aipelonoreta nuka akim;

Akekeje da bala-bala...aikomon,...enokiete koupa; ekeporoto da...bala eporoto loka akipi nuipu.

"Eporoto loka akipi nuipu." Inyobo ebwoikinitos akipi? Arai ikoto ijo aiwadik ngin, kopuko apukokinio 17:15, ido idumuni jo ebala Ebaibuli ebe "Akipi nuisesen ijo eraas aisipanit, ka ikodeta, ka itunga, ka angajepa." Eebo, "Eporoto." Erai bo lolo ibore yenerono biai kanuka etau loejai ilemo kangolol naka aijar! Komamei eketetenikinan kanu aingarenikin nges, apak tai, ilemo kakailan, aipup agat naka akipi naepol, akipi nuibirununos. Ebuni bo araun ibore yenetiono biai kanuka etau loejai ilemo. "Eporoto loka akipi nuipu." Inyobo Ekeporoto? Erai etube; eporoto loka ikejanakinak, kotoma Omoyo Lokalaunan, loiworoi nejaas itunga kotoma kanginitur, ebwoi kangina. Abu eporoto loka akipi nuipu kiworo, isipanin ka ikodeta. Eporoto loka aacer kangun akanyaarei kotoma akaniKe, neejai ngolikanisa, elimonokinete aibatisao naka Emoyo Lokalaunan, aibatisao Kokiror loka Ejakait Yesu, einer kede angejepa, apedor naka Edeke, ajarun naka Yesu Kristo, Abunore Nakiareit, etube loka Edeke. Eporoto loka akipi nuipu alomuni kaneejai loasubit bala Okoku loka Etunganan, akipi nuipu.

Ebuni aikwaikin ai, ajenun ebe ibu ijo kiboiene kairiamununeta kosodi aiirar ebe ekoto ijo aitemokin akiro kede Edeke kosodi adumun Emoyo Lokalaunan, ido etau loejai alelear aiirar eporoto ngol inera kotoma ariamun kangin nakiboie ijo kotoma, kosodi aiirar itubesia luka Edeke elimonokinio kosodi agir Ngin. Eyapie aibiror nakapolon kokwapukon, akipi nuekerete kogatasi nuepote ayangar ijo toma amudiariokon naka ikar kere.

109 Eporoto loka akipi nuipu, etakanuneKe loongonet. Eporoto loka akipi nuipu. Eipone ali ilosio ijo aswam ngun kikamitete kotoma Aibuses, kojakatete aikam eporoto atiibong na? Ikamio ekoniporoto. Ikamio akoniomisio. "Kwape eoomoma etunganan kotauke kwape kwangin ejaar ngesi." Koany, ikalalai ekoniporoto kotoma Akuj adepar ekoni...apeleikinit eong, akoniomisio ikalalaete kotoma Akuj adepar kwa ejaar ekoniporoto kotoma akwap. Abeit cut, ikalalai. Ejeni Edeke aomisio ka alosikineta nuka etau, ejeni Ngesi kere nuikamunitos ngol.

Abu Ngesi kolimok Iparisayon, "Yesi lukesoswai, eipone ali ipedoriata yesi einer iboro lukajokak, korai kotoma kanuileleba etau nges inerar akituk? Anyara Eong, 'Ejakait, lokajokan,' ido ajeni Eong, apedori Eong asesen tomakon kasodi aanyun ebe irai ijo lokesoswai. Mam ijo ipeleikinit ngun."

Oo, ebuni ngin araun anyoika kotoma apaaran kangin naegatunia eporoto ngol kotoma akipi nuipu, aturio nuka ekanisa nuipu esubununos?

110 Kwana akoto eong aingit ijo icebore. Eong ber kalimok ijo loitajaruna icebore, ber eong alimok ijo na.

Kwana, ekonitau loejai ilemo, ijo loilemo kojai alelear kotoma neekukunyatar akipi kogatasi kanen kangina, kocoite. Ebuni araun ibore yenetiono apak naijenunia ijo ebe emamei aitajario kanukon bobo. Mam bobo ijo ipedori adumun aitajario ijeni ijo ebe eperi amudiariokon cut koingarenekon. Nekijenja ijo ebe kotoma odakikan idis ibuni aiirar Eporoto ngol elimor, "Konyoutu kamaka yesi lukeswamak nuka epali, toma akim naka ikar kere naitemonokinitai kanuka ajokit kede ikemalaikan." Ibuni ajenun naiiraria ijo akipi ngun nuapolok nuibiritos egatasi nuka iporotoi luka ariamununeta kangun, kojai ijo atubor awai naka kana. Oo, erai ibore yenetiono biai, arai bo lolo aitapaset naikoni ai! Mam icamakini ngun aiswamaikin ijo,

itunga, kitemokisi akiro kede Edeke kwana, nape ipedoria ijo aitemokin.

111 Kwana akoto eong aingit ijo icebore bobo. Inyobo ejijim adepar neejai etunganan loedongakina, koperi kokau kokwap naka ekitoi looliba duc, aiirar aguurut naibulubula? Oo! Ngol nges Ekanisa loiboie kotoma aiboisio nukotoma Akuj kede Eporoto loka Edeke ibulubula kajijim ido kineras kakes kapak kangin. Iany nuerai ngin? Erai atubokinio neejai ikadiakanaran, ido arereng neejai yenitajaritai. Etunganan loeenikinit aketaker ejok neejai Atiida ngin Kristo Yesu, ido eperi do ngesi apero kopupokinite, eipone loepedoria ngesi aiyengunit! Alomar toma aiyengun ngin.

Eipone loaminakinitor eong ajaut aiboisit naeleleatar akipi. Arai kilot oni ailok agaria arai idiobore, atami duc eong adumun aiboisit naibulubulatar akipi, naarai einakini ijo aiyengun. Ipupi ijo kes ineras akuar kere. Oo, ikatunga!

112 Ngin mam kereka ibus neipedoria ijo asipokin akonijar neejai Kristo, kaiboisit mutan kiton neililingia ijo ti kakonyeneKeng? Kosodi aipup Ekeporoto inera mamakon, "Arai Eong Ejakait loeinakini ijo Aijar Namam Edaun. Amina Eong ijo. Ajbu Eong kajeni ijo eroko apetetai naka akwap. Abu Eong kebwaik ekonikiror toma Oitabo, irai ijo Yenika." Sirikurianar, erai Eong. Mam ikurianar, ajai Eong kede ijo." Kwangin awoi do eong ebe:

Aenik eong ekatau toma agoola naka aiyengun,

Mam bobo aikwang angololin nuarokok;

Epedorete ikwamin aikut kokwap naka aidules

Konye kotoma Yesu ayuara eong apaarasia kere

Kiitu, Eporoto ngopengol loinera kojijim nekon, nges ebuni aitoron ikadiakanaran. Akipi ngupengun nuetajarete Noa, kes amudiarete ikadiakanaran. Itei ijo nuapeleikinit eong? Eporoto loka akipi nuipu.

113 Kosesen kwana, "Itim kwape kajul, ido akonye kwape kaipelonoreta nuka akim, akeje kwape kaikomon, ido eporoto loka akipi nuipu."

Ido abu kitingite aacer akanykaarei kakanike;...

"Aacer akanykaarei." Kwana kalemutu ber oni ikokoron 20 kane;

Aiyeiyea naka aacer akanyikaarei nuiany kakanika nakoteten, ka ipirin lukatalai ikanykaarei luka esabu. Aacer ngun akanykaarei kes imalaikan luka ekanisa ikanyikaarei (araiboot ikiyakia ikanyikaarei, ikejanakinak ikanyikaarei) luka ikanisan ikanyikaarei: ka ipirin da lukataalai iakanyikaarei kes ikanisan ikanyikaarei.

Abu Ngesi kijul ngun kanuke tetere emameuni cut aibucaret. Emalaika kanuka nginitur naka ekanisa. Oo, elosi ngina araut naejok noi, kosabiiti kalo, neilosio oni abongor kau cut toma akiro nukolosek kasodete alemun imalaikan ngul kasodete aanyun aijanakin alopel najaatar kesi. Ajaatar kesi kaijanakin naputo. Becebec cut anatar aturio kere kotoma Okanisa kangol.

114 Acepakio kau, abu icetunganan kotema ebe, "Ijeni ijo, ekanisa loka Atulik, ejai alimunet naejok, ebe, 'eraikanisa lokabeit naarai abu kobwo anatar aturio kere.'"

Abu eong katema ebe, "Mam ngun eraas nuka aiyeiyea, neajaatar ngol kede apugan kere ka nginibore kere igangit nges, ido eipone loabu ngol kobwoia kosodi aikwang ikwamin. Konyen aiyeiyea kaneajai eong nges eipone loaponiata idis ngul luekidioko kikwangiata ekwam, luaponi kotubutuboi kede imusumenin, kosodete acakanakin toma ongatunyo, kisiboinikinai oicolongoi, ido konyamai ka aicwe, ido ingatunyo...ido koarai ka nginibore kere, ido eipone loapotu kesi kokuatar." Itodunit ebe ajai akan naka Edeke kede kes. Odaun. Ido kwape kangin lolo eroko Akekimian enokiete. Amen! Eebo, ipa!

115 Kwana, "Aacer nuajaas akaniKa nakoteten." Atingit Ngesi aacer akanyikaare kotoma akaniKe nakoteten, nuarai akepolou ikejanakinak ikanyikaarei luka aturio akanyikaarei. Oo, ibu-ibus. Eipone loibongoria oni kau kasodete adumun ekejanakinan loayangauni Aisiiraret neejai atur naka ekanisa loka Epeso. Ido ekejanakinan loayangauni Aisiiraret abu kosalak edongakina nejai Ngin kiton atwanare, cut kiton okanisa loka Sumuruna, ido kiton okanisa loka Perugamo, Swaitira, ido kiton kwap anatar aturio kere, karaida kiton atur na kwana. Ikejanakinak luapotu koricata ka ayangaun Aica, kosodete aidong Ngin kwape kanasodit kotoma ageunet, kosodete ayangaun Aica kotomake.

"Etingit Ngesi kes kotoma akaniKe nakoteten." Koomoom! Akan nakoteten mam erai do cut ebe Kristo iboie kakan nakoteten naka Edeke. Mam erai akepolou ebe ejaatar Edeke ka akan nakoteten, naarai erai Edeke Emoyo. Konye ajai Kristo akan nakoteten naka apedor. Ekonitunganan loka akan nokoteten, nges ekesa-ekesa loebwoi kosiepikon, loidunyanara kede ijo kakere.

116 "Ido, kiitu ebe, aacer akanykaarei ajaas akaniKe nakoteten. Koomoom ber ijo, amatunenete kesi

Aicakec kanejai Ngesi. Ajaas kesi cut kwap naka ayaiteKe, akaniKe nakoteten. Oo! Kangolikejaanakinan lokabeit loka Edeke eputosi. Adongakin toma...Ingai epedori aimusung kes? Kwape abu ediopet kotoma omalaikan komonyia kokau kangina kotoma ageunet. Kiitu emalaika akepolou, "ekiyakia." Ilomari oni toma oboro ngul luidulok ekaulo kotoma osabiiti. Emalaika akepolou "ekiyakia." Ido abu ngesi kotema ebe, "Inyobo kitiaki oni kede amin naka Edeke naejai toma Kristo Yesu? Epedori adek? Epedorete ican? Epedori amujalal? Epedori ekileng? Epedori atwanare? Etogogongit eong" abala Paul, "ebe emamei ibore yenedepori aitiak oni kede amin naka Edeke naejai toma Kristo Yesu," naarai iinakina oni cut kere akaniKe nakoteten.

Ketema icetungan ebe, "lokalaunan loikerepikinit! Lokalaunan loikerepikinit!" Mam ngin isirienguni kes nepecepe da. "Irai ijo loka ikerep loka ediini!" Mam kesi epupunete ngun apupun da. Einakina kesi cut kere ido emasete Ajarakec kotoma aiyapaara, ka asianut, ka ainapakina, ka atitingikinit, aanyuneta ka nukaumokin ka nukapedor. Konyara akwap Ngin ebe, "ecudet," nuekotosi kesi kere, mam ijulakinete oni, naarai kijeni oni ebe iinakina oni ido kajaas toma akaniKe nakoteten. Ngin mam erai naeumokina? Ikatunga!

117 Kwana esunyakisi, naarai mam ikoto aisiteg yes. "Toma akan nakoteten, aacer akanykaarei."

Kwana naikanyetekaarei ido atodiaret nakawasia naka etungananeKe:

...ido kolom kaitukuke ekileng loekwana kowaitin iarei kere:...

Apeleikinit eong ebe arai ngin naikanyetekape.

...kolom kaitukuKe ekileng loekwana kowaitin iarei kere:...

Kwana, Eporoto loka akipi nuipu, ido kotoma akitukuke...Kotoma akanike nakoteten ajaas aacer.

...ido kolom ekileng kaitukuke loakwana kowaitin iarei kere:...

Kwana, ijo ijeni kereka nuerai ekileng loka Ebaibuli loekwana kowaitin iarei kere? Ekamutu ber oni ngin tetere ijo ijenuni. Iburanian 4:2, kau bala apapulai aarei ido idumuni ijo ngin, itei ijo. Iburanian ejai kau naka Apukokinio kane; Yuda, kosodi do Iburanian. Kwana, ikam ngin ejok cut kwana. Arai...Iburanian, esula lo 4 ido ikokoron 12:

Naarai erai Akirot naka Edeke nakajaran, nakapedor da, ekwana adepar ngolikileng ekileng loekwana kowaitin iaarei kere, ipelor da kiton aitiak ajar ka Emoyo, ailenyeta ka asum, emisiikini da aomisio ka nuelosikinit etau.

Kosodete kesi anyara ijo ebe, "loisiomi aomisio." Erai Akirot naka Edeke itodiara kotoma Okanisa! Ekwana adepar ekileng loekwana kowaitin iarei kere.

118 Atemar, abu eong aomoom ibore arai ice kanen. Mam eong ajeni arai abu eong ewadik ekoko-...Kolem Apukokinio 19, ipak edit. Alemutu ber bobo oni na, aomit eong ebe edolit ngin. Arai eong aticepak... Apukokinio 19, nepetai 11:

Kasodi kaany akuj engaara, ido koany, ebalasit loekwang;...(Kane ebuni bobo Ngesi kokwang, etube) ...Lokibwanenit nges enyaritai Lomunot ido Lokabeit, etubokini ka aitiji kadolit. (Ijo ijeni loarai Ngol, ijo mam ijeni? Eebo.)

Akekonye eraas...apeloret naka akim,...(Araibo ingai Ngesi?)...ido kejaas amekemeken nuipu akouke; ...(Uh-oo. Adau Ngesi abunore toma akabakanut kwana)...ido...ido-ido kojai ekiror loewadikatai lomam ajeni idiotunganan, idimarai...Nges bon.

Konapite anapito naebwasitai aokot: enyaritai ekiror Akirot naka Edeke.

Inyobo abu kolom kakitukuKe? Inyobo abu kolom? Ekebwaneniton ebalasit lokakwangan. Kosodi Apukokinio, da 7, naabu...eyuunit eong 8. Naabu ebalasit lokakwangan...mam, erai 6. Naalomaria ekebwaneniton ebalasit loekwang. Aponi koinakinai Nges a-akabwa, kanu aipikoria ido aipikoria.

Ido kolomu ekileng kaitukuKe. Kerai bo ngesi inyo? Ekebwaneniton ebalasit lokakwangan loka Apukokinio. Koany ekileng ngol. "Kolom kaitukuke ekileng loekwana kowaitin iarei kere," Akirot.

119 Ido awasia, kanuka Akekirot, nakitodiarere Ngin nejaas odwe kere luka Edeke, ebuni Ngesi aicakakin nginikwap kere kwap kede Akekirot, kede Ekekileng loekwana. Kosesen kane nuapotu kismamaunos, kwape kilemuna oni ngin:

Ido...kakinike nakoteten...kolom ekileng kaitukuke loekwana: atakanunetaKe da bala akolong nakecai kotoma agogonguke.

"Ekileng loekwana kowaitin iarei kere." Inyobo alomununei kakituk naka etunganan kalo? Akirot naka

Edeke. Erai ekileng loekwana kowaitin iarei kere. Inyobo ajai ngin aswam? Amisiikin aomisio nuka itaun, apeleikineta; elosi kiton toma neidul adepar akiring, akuan, ikur luka aokot, kiton toma akoit, kwap kiton asum nuka akojo, cut kiton adepar nen, kiton amisiikin aomisio ka apeleikineta nuka etau. Ngun kes nuiswamai Akirok naka Edeke.

120 "Ido koraun Akirok akuan ido kiboienei kamawok." Ido kwana araun Akirok akuan kotoma OkanisaKe, iboie akidingosiwok. Ikemalaikan kakaniKe, ijanakinete. Emuno Edeke EkanisaKe. Emuno Edeke oni luka atur kana ayangaun Aica na naka Akiro Nukajokak neejai akwap na naka einono, naka ikapirin, naejai atwanare. Adakaki Edeke alangir nekang ka nekon. Otukui oni arai ketwana ekapirit komam ejenunit. Oo, eswamata kesi asioman, aiwadik, ka aimar, ka ipapulai idis luka ediini, ido iswamautu kesi icebore yenimam edeparit atukos naka eyuunak lutetiak. Apeleikinit eong Akiro Nukajoak! Mam Akiro Nukajokak erai Akirok bon. Abala Paul kwangin. Abala Paul ebe, "Mam Akiro Nukajokak ibunokinitos oni kotoma Akirok bon, konye Akirok ngin itodiaritai." Arai kebu Akirok, kanuka Emoyo Lokalaunan...Arai kiraikin Akirok toma otau loejaatar Emoyo Lokalaunan kosodi aitolomun nuebala Akirok ebe abeit aitolomun. Ido epedori Akirok amisiikin aomisio nuka etau! Abuses! Oo, ikatunga! oo! Amisiikinan loka aomisio ka alosikineta nuka etau, iswamai Akirok.

121 Elomuni kaitukuKe, ekileng loekwana kowaitin iarei kere, aitiekenyun ikapirin. Ebeit icebore aiswamaun adiopet kotoma apaarasia kanu. Eebo! Akirok naka Edeke, arai Ekekiror Akirok naka Edeke, Akirok itodiaritai. Koany, abala Yesu ebe, "Kolototo yesi akwapisinei kere," Marako 16, akeyogan nakawasia neejai ekanisa eroko Ngesi kebonguno apukor kotoma atur nuka ekanisa. Abu Ngesi kiyakia Ekanisa, "Kolototo Kwapisinei kere ido kolimonokisi Akiro Nukajokak nejai nginisubat kere." Inyobo? Kolimonokis Akiro Nukajokak. Marako 16, "Kolimonokis Akiro Nukajokak neejai nginisubat kere." Inyobo ngin? Kotoma akiro ace, "Kitodianasi apedor naka Emoyo Lokalaunan," ebusakinit ajaut.

122 Kwana kosesen, "nejai ngini..." Mere ebe aisisianakin Akirok; mam Nges abala ebe, "Kolototo isisianakisi Akirok." Abala ngesi ebe "Kolototo kolimonokis Akiro nukajokak." Mere aisisianakin Akirok, alimonokin Akiro nukajokak. "Ido etupanakinete aanyuneta ngul luyunite Akiro Nukajokak nu; KokiroriKa irenganarete ajokin, inerenenas angajepa nukitetiak, arai kikamutu imunuo arai aimat ibore yenikaaran mam isiriebi kes; arai idokokisi yenadekan akan, engaleuni."

Etupanakinete aanyuneta nu luimwasi ai? Kiton osangeta luka akwap, neejai nginitur. Ejai iitongot ngin yenebuni, kitingite Aica. Komam abunokin nges abalar Yesu ebe, "Sirikurianar, isipan yenididi, erai ekote nakajokan naka Papakon ainakin ijo Akabakanut." Isipan yenididi; idis duc, mere luipu.

123 Eebo, kwana aiyatakin atakunet adiopet. Ido apotu oni alemunitos loka 20, aso kwana kaanyutu kane kotoma okokoro kalo kane. Kwana lo 16:

Ido abu kitingite kakanike nakoteten acer akanykaarei...

Kwana kalemutu ber oni...ido e...Akenapito:

...kolom kaitukuke ekileng loekwana kowaitin iarei kere: akekonye da kosubite bala akolong naecai kakepedor.

Arai kipuko ijo...kaanyutu ber oni, Matayo 17. Aanyutu ber oni ngin cut kane ajaas ber oni napejai ngin; aso ijai oni aitor toma kangin aitor bon, ido luipu kotoma otunga kangul luejaas ayangar ngin aso ber oni...arai luijaas aiwadik ngin, ibuni oni ainakin kes aisiom ngin tetere oni ijenuni.

Matayo 17, eebo:

...Ketuboros apaarasia akanykaarei koyanga Yesu Petero, Yakobo, ka Yokana...kitodoka Ngesi kes orongat loeja,

Kituluor kakonyenekec: koiriir ekereet kwape kakolong, kokwanguutu ikenapen kwape kaica.

Aponi Ngesi kijulakinai. Anyoika bo abu Ngesi kiswama? Abu kitor bon toma aijulakinio, laiye toma aKepaaran naebunit.

124 Kwana kosesen, isawan idis bon eroko na, alemunit Yesu atakunet na kokau kangin kosula loetupakini, "Abeit katemari Eong yes atemar, ebe ejaas ice ne..." Yesi luipu ijenete nualosi eong alimun "Ebwoete ice kane lumam etuboros, lumam etwakete, kiton neanyuniata Okoku loka etunganan ebuni kotoma aibuses." Ngin edolit? Kosodi Ngesi ayangar Petero, Yakob, ka Yokana, ikajenak iuni, naarai kotoma Aitutuket Namojong nginibore kere, nginikirot kere etotongo kede ikajenak iuni, kosodi Ngesi ayangar kes kuju moru loaj.

Koany inyobo abu kogeu ber abunore nasodit. Oo, mam eong apedori abwoun kane, ejai eong alemun na. Koany! Inyobo ibore yenisodit yenapotu kesi koanyutu? Apotu kesi koyangasi Yesu kuju Moru...arai abu Ngesi kitodoka kesi kuju, kosodete aijulakin Nges kakonyenekec, aibelokin. Abu akenapito kocau kwape akolong kotoma akidingos naka akegogong, kosodete Musa ka Eliya atakanakin Nges. Adoketait

bodo ani ebeitor Okoku loka etunganan abunore toma kwana? Ido losodit, loebuni atakanun, ebuni araut Musa ka Eliya.

125 Kwana, koany, eroko Yesu kebonguno toma akwap...Kwana, erai na eroko apak, konye ebuni Emoyo loka Eliya abongun toma akwap kosodi aibelokin itauon luka idwe mama ejaas luka papa. Abala Ebaibuli kwangin. Abu Yesu koany nges kane, abu enabi koany nges kane, ainapeta nuka abunore naka Okoku loka etunganan itubusinital. Ebeit Nges aitubusikinio ka abongun. Ibore yenisodit, eroko kes eanyuna Nges, arai inyo? Eliya. Kobuni do inyo? Moses; Israel ebonguni kangina, aricak ikisila. Kosodi do Okoku loka etunganan loitubusikinitai. Aleluia! Ijo iseseni ainapeta nuka aKebunore? Emoyo loka Eliya, arai ekajenan loka atur naka ekanisa lokawasia. Itei ijo, ebuni kotoma apedor kanu aitodiar Nges.

126 Kosodete ilukumin akwatat akaisaongon ka luongon atukokin nepepe Komoru Sinai, naeraunor Israel akwap alopet; akwap naemojongit kakere kotoma kwap, emendera loemojongit kakere kotoma akwap; ejaas kede akwapukec ikulepek, emenderakec ikulepek, ajorekec ikulepek, ikecesirigin ikulepek, ka nginibore kere. Eraas kes adiopet kotoma ameeban atukot naimorikikinit akwapin kere naarai eraas kesi akwap. Abala Yesu ebe mam kes irengeario awai kiton nekitodolikinere iboro kere.

Aiyeiyea naka eipone loaponi koreitere atukos ngin naka Iyudayan kanginiboisit kere, kosodete aigir, ka arukitor, kwape kEkanisa kotoma aturio nuka angerio, konye kereka kobala Yesu ebe, "Naianyuniata yesi etiini egeuni ailib, akwap ngin ebongori araun akwap bobo, eyapie esawa, ejai da okek. Abeit katemari eong yes atiar, Mam atur na etubor kiton neitodolikinotor iboro lu." Aridakinio na...Mam itunga lu edaunos. Abu Hiller kotam aiar kes, abu Mussolini kotam aiar kes, abu Stalin kotam aiar kes, idiotunganan kere, konye mam kesi epedorio aitoron, arai amwatar kes kotoma akwap, epote kesi araut itunga ka akwap kobwoete kalaingol. Amen!

Epote Musa ka Eliya. Oo! Amuno eong ebe idumuni ijo ngin.

127 Eebo, "Akolong ecai kotoma agogonguke," eKereet, aibelokinio, aijulakinio. Kwana icebore, kotoma Apukokinio 21:23, arai ikoto ijo aiwadik ngin. Kotoma Yerusalem Nakitetet, 21:23, erai Ngesi Imerekek yenejai Ore, loerai Aica kangina, ecai; naarai mam bobo epudai aica kotoma Ore, mam akolong elomuni kotomake, naarai Imerekek yenejai toma akidingos naka Ere Nges ebuni araut Aica kangina. Ido epote atekerin nuitajaritai alosit kotoma Aica naka Imerekek! Amen! Erai Ngesi Aica naka Imerekek. Oo, mam yesi iyalamasi kanuka ngun?

Mere ngun bon, erai bobo Ngesi, kotoma abongun (Abu Yokana koany Nges kotoma apaaran naka Ejakait), akolong naka adolit. Alototo ber oni nejai Malaki. Malaki, enabi lokawasia loka Aitutuket Namojong. Malaki, esula lo 4.

128 Ejaas akiro adis nuakoto eong alimun nuikamunitos akaberu naketai iboie kokau kangina. Abu eong kainak nges apak naaninik noi eroko isio kedukokina, atam eong aitemokin ngin akaulo na isio adukukin. Ido mam eong ajeni arai akoto eong ti adukokin bobo araibo mam, kwangin abu ngesi itapasun. Ido aomit eong ebe erai ngesi apese naejok noi ti bon ajalakin kolot, ajalakin ti kodukok ecetunganan loajokan loepedori aidar nges. Ido aomit eong ebe mam eong ebusakinit ngin da; ido mam eong arai, loka eiponeke, ajaas acie da. Kwangin etapasuna ngesi ido mam ajeni nuabeit aswam. Erai na ikar kau, nepetai ikar akaisarei kau. Abu ngesi kitapasun, abu kogeu aimony apaaran ka akuar. Ido atamit eong ajalakin nges, mere ebe mam eong amina nges, naarai ebe mam eong akoto aicanican akepak; naarai, ti kodum ngesi icetunganan, icetunganan yenejok, naarai arai ngesi apese naajok noi ajalakin kolot kopone kangol, ido eong ayangar...kanu alosit kede nges bon ka ibore kwape kangun. Ido aomit eong-eong ebe emina ngesi eong, ido ajeni eong ebe amina eong nges. Kwangin do aomit eong ebe, "Eebo abuni eong aitam...Abuni eong adumun apaaran kasodi alosit aupakin kacepese kasodete alosit eilat tetere ainakin nges apupun erono kanuka." Ti eong aarit nges, abu eong kangara ngun noi akaulo akiro; abu ngesi itapasun kere. Abu eong alimok nges, ebe, "Irai ijo apese naijok noi, mam eong-eong akoto aicanican akonipak kwangin."

kosodi ngesi atemar, "Konye amina eong-eong *ijo*, Bill, ido ngol bon nges apedori eong amin." Ebal, "Amina duc eong *ijo*."

Abu eong atema ebe, "Esiyalamikinit eong-eong ngun. Konye," abu eong atema ebe, "ijeni ijo," abu eong katema ebe, "arai eong loegelunitai kanuka akiro nuka aiyuun." Abu eong atema, "Alosi eong-eong aijar bala loegelunitai. Itei ijo, mam eong alosi adukokin cut."

129 Ido akapakina ngesi kotoma ngin, ijeni ijo, etunganan lokican. Kosodi ngesi alomar kinga aimony. Kosodi ngesi alosit kinga ngina kosodi ngesi akukokin. Kosodi ngesi atemar, "Ejakait, mam eong ajeni nuebeit aswam. Mam eong akoto amengerikin Ijo, konye kereka amina eong Bill, ido mam eong ajeni nuebeit aswam. Ejakait, Ijo ipedori ainakin ber eong aisinapikinio adio? Ijo ipedori aingarakin eong mot? Mam eong elipitor Ijo na lem kotoma aijaraka, Ejakait, ido amuno eong ebe mam eong abuni ailip ijo ngun bobo," ebal ngesi ebe, "Konye arai kingarak Ijo eong, kosodi ainakin eong apukor Ebaibuli lo, kosodi Ijo ainakin eong Naiwadikatai. Eiraritor eong itunga ebalas ebe iswamai Ijo ngun." Ido neapukoro ngesi ngol,

arai Malaki 4:

Koany, ainakini yes...arai kejukakini yes Eliya enabi, eringa ebuno apaaran ngin-ngin naepol nasogim naka Ejakait:

Ebala ngesi ebe, "Abu eong kanyou kangina kesimonikina ejok ebe abeit oni adukokin kwape idiobore." Iany ijo?

Koany ebunit apaaran esarani bala eupu ido luituros, eebo,...kere ngul luiswamaete nukaronok, eraunos kere ariang: Icwei kes apaaran naebunit, mam ideikini kes aliasit karaida atenu.

Konye yes luyongito ekakiror elomuni kanukus (A-k-o-l-o-n-g) Akolong naka adolit ejai kaitangaleun kotoma abebenokake;...

130 "Akolong ecai kotoma agogonguke." Oo! Agogong naka Okoku loka Edeke ecai kotoma akidingosiwok atiibong na. Ebwoi kakidingos naka ipirin luka atalai luka esabu ikanyikaarei kotoma adokena akanyikaarei nuka atakanunun Ke kane kwape ekatubon. Kwape Loiticinitai kosodi atwanare kanuwok, kosodi aimarakin etube loka Edeke mamake elopet, ido ecakacak ebino, adedeng naka Edeke. Kaneejai ikadiakanaran erai Ngesi akipi nuekukunyasi kogatasi kopone loetiono, neijai ijo etau lojarijara kotoma angolol naka aijar. Ido mama ejai Ekanisa, Eketajaran loejijim, loesipo kotoma aiyengun ido kojai apupokinit akipi nuibulubulas kwape iperio ijo ka aiyeng kaitekooro kisimonikina kotoma Kristo. Ikoni bo lolo apak na ai! Ecai mamawok kede amorokin nuka aKeica naejaatar kaibuse, "Sirikurianar, arai Eong ngol loajai sek, loajai kwana, ido loebunit. Arai eong Edeke Lokapedori kere, ilema Eong emamei bobo ece. Arai Eong Alupa ka Omega, ido ainakini ngin yenejakit akure nuka akipi nuka Aijar titai." Oo, ikoni aisumunet na ai ido eipone amin ani erai ngin! Ido Imerekek kakidingos naka Ere lomam ipuda aica, ido erai Ngesi Akolong naka adolit kede aitangal kotoma abebenokake.

Erai Ngesi Apecelit naka Aditot, Aacerit Naecai naka Atupuruc

Nges Lokajokan kakere kotoma olukumin itomon kotoma otauka.

Kotoma aiturur Nges akainapakin, kotoma ationis Nges akabwoetait,

Elimokinit Ngesi eong ebe nginilangir kere adakakin mamaKe.

Aleluia!

Erai Ngesi Apecelit naka Aditot, Aacerit naecai naka Atupuruc,

Nges loajokan kakere kotoma olukumin itomon kotoma otauka.

131 Eebo, ipa! Oo, Aacerit naka Atupuruc ngin nakapolon kwape elomunia kanu aica, kiturite apaaran naebunit, kiworoi, kobala ebe, "Eyapie apaaran adolun, Eyapie Okoku adolun," ido kiwolun Ngesi elopet kokau naka nuce aacer kere (Oo, ikatunga.) kede aitangal kotoma abebenokaKe.

Kwana abongor toma Aisiraretewok. Ido igolokini kwana oni, kanu akapanakin kanu akuar naka moi, naarai apak erai adakikan atomon ka lukany alomar isawan iuni, mam oni ikoto aiyatakin aisibo idiotunganan adaun aojau, tetere oni ipedori ajaun ne.

132 Eebo, akolong naka adolit kede aitangal kotoma abebenokaKe. Kwane ekereet. Arai Ngesi ekatubon, arai ngin icebore kanu aitodun ebe ajai ngesi toma apaaran naka Ejakait. Ijo iyuunit ngin? Abu ngesi koloma toma apaaran naka Ejakait kosodi aanyun Ejakait kwape ekatubon; mere kwape esasedoti, mere kwape ekabaka, konye kwape ekatubon. Erai Ngesi ekatubon. Ijo mam iyuunit ngin? Ebala Ebaibuli ebe erai Ngesi ekatubon. Ido kane anapit Ngesi kere kwape ekatubon, aitodunit nuadaunit Ngesi aswam; nuarai Ngesi: nuarai Ngesi nejai ikadiakanaran, nuarai Ngesi nejai Ikrsitayot. Ido kane ebwoi Ngesi kwana kede eporoto loka akipi nuipu ido ekereet da kosubite bala akolong naecai kotoma agogonguke.

133 Kwana nuitakanunete, ekokoro lo 16. "Ido..." Mam, itimoi, erai ekokoro lo 17:

Naanyunia Nges, abu kebirokin akejeneke bala atwana:...

Ikatunga! Mam bobo enabi apedori aibwo bobo, itei ijo eipone aitapoet kwape kangin. Abu Ngol-abu Ngol komata akegogong, kosodi ngesi aibirokin cut kwap akejeneKe bala atwana. Kwana kosesen:

...Kedokok Ngesi eong akanike nakoteten, kabala ebe, Sirikiyong; arai Eong losodit ka lokawasia:

Oo, ikatunga! Mere enabi, Edeke! "Arai Eong losodit ka lokawasia. Arai Eong losodit loka Apukokinio, lokawasia loka Apukokinio. Arai Eong Ngol loajai sek, arai Eong Ngol loejai kwana, arai Eong Ngol loebunit." Aanyutu ber oni:

Arai Eong...Eong...

...Kedokok Ngesi eong akaniKe nakoteten, kobala ebe, Sirikiyong; arai Eong losodit ka lokawasia:

Ido lokajaran, abu katwanite, ido koany ajari ikar ka ikar, (Kwape kwana. Kosodi ngesi ailulukin:) Amen; ido ajai kilaceta luka atwanare ka luka Okatwak.

134 Kwana, mam ikurianar. Kanukinyo ti ebeitor oni akurian? Kanukinyo ti ebeitor Ekanisa akurokin airic ake...aomoom Akekirot? Abwoutu ber oni kane apak edit, naarai ijai oni agolokin. Inyobo ti ebeitor Ekanisa lo akurian? Inyobo isumunitor Ngesi yenimam Ngesi itodiaritor mamawok? Kanukinyo ebeitor ijo akurian aitisilaret araibo akaulo kane? "Sirikiyong! Arai Eong ngol loajai sek, Ngol loejai kwana, ka Loebunit. Arai Eong losodit ka lokawasia. Ajai kilaceta luka atwanare ka luka okatwak cut kane." Kanukinyo? "Epiko Eong ka airumun okatwak ka atwanare (Ngul kes atwanare ka okatwak; atwanare alopet, okatwak elopet.) kanukon. Epiko eong ngul kere. Epiko Eong okatwak, atwanare, ates." Neajaar Ngesi toma akwap, arai Ngesi bon arai lokapo-...

135 Itunga luipu apotu kolototo kanuka aipikor. Ijo ijeni lem ngun? Napoleon abu kolot kanu aipikor akwap, ido abu ngesi kiswama ngun kotoma okar akaisauni ka luuni luka apoloun. Kokar itomon ka lukanykaarei kiton akaisaarei ka lukany arai Napoleon loangerit iboro, mam ngesi acamunit aimat ajon arai idiobore. Abu Ngesi kolot France. Mam nges arai etunganan loko France, alomunit ngesi kotoma apujan, abu ngesi kolot ngina kanu aitakan France naarai mam nges aminakinit ngin, mam nges aminakit France. Konye aponi kipikoro nges. Kosodi ngesi alosit aikamar France, ido abu ngesi koyanga itunga ngul luko France kosodi aipikor akwap. Ido kotoma okar akaisauni ka luuni abu ngesi kiboikin kwap kosodi aimony naarai amamei bobo itunganan yenabeit aipikor, kosodi atwanare erai amatan ajon. Kipikoro, mam nges apedori karaida aipikor akekuan. Iany ijo? Kosodi do airiamun kede waterloo keng ko Waterloo, abu kiriamunos kede awasiake kojie loko Waterloo. Ajauna eong kinga ngina kasodi aanyun aanyununeta nukolosek nuka iboro luideununa kolo ka iboro kokinga kangina, nekijaar isio toma akwap. Kwana, ilemuni oni ekepikoron ngol, abu ngesi kogeu kwape etelepata kosodi ayangar ewai lokaronon kanu aipikor, kosodi atwanare, erai amorosit.

136 Konye ajai Etunganan ece ekatumunan loabu kobu toma akwap kadiopepak. Abu Ngesi kotwana kokar akaisauni ka luuni ido abu Ngesi kipiko nginibore kere yenapedorio aipikor. Neajaar Ngesi toma akwap abu Ngesi kipiko eimiel, epoget, abu Ngesi kipiko adek, abu Ngesi kipiko ajokin. Neabu Ngesi kotwania, abu Ngesi kipiko atwanare. Neabu Ngesi kojarunia abu Ngesi kipiko okatwak. Abu Ngesi kolot toma kosodi aipikor nginibore kere yenasurokinit etunganane, abu kolot kiton acuwes naka ebino naka Edeke kosodi aicakacakaar ngin kosodi aipikor atwanare, okatwak, ates, adek, inonosio, nginibore kere, kosodi apikor ngul kere, kosodi ajarun kapaaran nakiuniet kosodi apikor akuj kere, kosodi aisiarar elisina ngol kokiding Edeke kede etunganan, kosodi arucokin Akuj kede akwap nepepe. Aibuses! Oo, ikatunga! Otukui!

Ekepikoron Lokapedor kere Ngol ageun neabu Ngesi kocilia aigalisit irwan aarei, Engol kanen. Ejaatar kilaceta luka atwanare ka okatwak ijekosi kosiepiKa, "Sirikiyong." Abu kidokok akaniKe nakoteten (Akepedor) mamake, kosodi aitonyoun nges kede apedor naka akaniKe nakoteten, ebala ebe, "Sirikiyong, arai Eong Ngol loajai sek, ido Ngol loejai, ka Ngol loebunit. Arai Eong losodit ka lokawasia. Arai Eong ngol loabu kajari, kasodi atwanare, ido ajari bobo ikar ka ikar. Amen!" Oo!

Koany Ekepikoron lokapedor kere,

Koany Nges kotoma aidelel,

Engol ebwoi kangina, ekepikoron lokapedor kere,

Ageun naabu Ngesi kocilia aigalisit irwanaarei.

137 Amen! Abu kotub nginiigalisit kama ejaas itunga, tetere kes epedorete arucokin kwape komanikor loka Eden. Kwana, etunganan...abeit eong ajalakin ngin, konye alosi eong alimun ngin. Etunganan erai lokapedor kere. Mam ijo iyuunit ngun, konye erai. Etunganan loeinakina cut kere neejai Edeke erai lokapedor kere. Mam kereka Nges abala ebe, kotoma Marako 11:22, "Nginibore kere yenilimuni ijo, komam ibuonokin kotoma otaukon, itodolikin. Ipedori ijo adumun nuilimunit ijo"?

Inyobodo iswamaun kiriamunos lukapedor kere iarei? Imorikikinos Edeke kede etunganan nepepe, lukapedor kere iarei, elosi icebore amaranun. Ice-...Ibore idio kere yenilimuni ijo kede apedor naiswamai iboro naka araut Edeke lokapedor kere, kojieni ebe abu Ngesi kisumunite ngin, ido abala Ngesi kotoma AkirotoKe, iswamauni apedor naelosi cut ngina kosodi aitodolikin iboro, iboro luemameete, iswamauni, itusubi kes bala ejaas, naarai eriamunos lukapedor kere iarei. Engol ebwoi kanen! Oo, mam kereka Nges eumokina!

138 Aanyutu ber oni arai iroko oni kijaar kiceboro luejokuka. Ekokoro lo 18, kwana ekokoro lo 19. Yokana; inyobo abu kiswamaun neanyuna ngesi eKereet? Nuapotu kotupakisi? Abu ngesi kibirokin akejeneKe; mam nges apedori atitingikin bobo, aponi komatarai akeijar naka etunganan awai, mam nges cut apedori aswam ngun. Arai Ngol ekepikoron, adaunit aipikor.

Kwana koinakini Ngesi aicorakinet, kasodete do oni ageun angetakin esula, ekokoro lo 19:

Aso kiwadik nuiany, nuejaas ka nuejaunete da akaulo kangun;

Apotu oni alemutu ekokoro lo 20:

Aiyeiyea naka aacer akanyikaarei nuiany kakanika nakoteten,...eraas ipirin luka atalai ikanyikaarei luka esabu. Aacer ngun akanyikaarei kes imalaikan luka ikanisan ikanyikaarei, ka ipirin da luka atalai ikanyikaarei kes ikanisan ikanyikaarei.

139 Oo! Erai aitik eiyengene, opapero. Asesen Ngesi ebwoi kanen kotoma apolou kere...apolus naka EidekeoneKe. Erai Ngesi Ekatubon, Esasedoti, Ekabaka, Emorukaalet, Imerekek, Engatuny, Alupa, Omega, Papa, Okoku, Emoyo Lokalaunan; Ngol loajai, loejai ido loebunit. Abu kicakacak acuwes naka ebino loka anyunyura naka Edeke, kosodi aitelel nginibore kere, kiton Edeke alimun komusalaba...Neekeuna Ngesi akekou, abu Ngesi kotema ebe, "Adaunos!" abu kitelel Edeke kwangin, kiton Emoyo loabu konyou kamaKe abongun kotoma atupuruc naka epasika kosodi aitonyoun Nges ka aitajarun Ngesi bobo kanu aitojokiowok.

Kanen abu Yokana kosesen kuju kosodi angoliar Nges ebwoi kangina kede aKekeje kosubito bala aikomon, akonye bala aipelonoreta nuka akim angolengoleete lailo ka laiye anatar akwap kere. Abu Daniel koany Nges ikar akwatakanyaarei eroko ngun, kotoma adoketai kangipekangin, koipone kangopekangol, etunganan ngopengol ebwoi kangina, Emojong longorot, ka loasubit bala Okoku loka etunganan loabu kolom toma kede Nges, ido aponi kititingikinai etube kere mamaKe, ebwoi kOtube loka Eicolong Lokakwangan.

Kwape kisesenia iboro lu , eipone itunga ali ebeit oni karaas, ipapero? Kisirereng yesi Edeke nges akailip. Iany ijo? Ijo imina Nges? Ijo iyuunit Nges? Ijo irupak aijarakon tomaKe?

140 Ketuluroto awokokwes ipak edit.

Elilinga ido motimot, kwape kilosio oni awoere elilinga, *Asipok Eong Ekatau Toma Aiboisit Naka Aiyengun*, "Mam cut eong apupuni agat naka akailan ngin kanu aijukar ekatau awai, konye epotei Ngun einer kainapakin naejijim neejai ekatau." Elilinga kwana, kaiyapaara, nginitunganan.

Aenik eong ekatau toma aiboisit naka aiyengun,

Mam bobo aikwang angololin nuarokok;

Epedorete ikwamin aikut kokwap naka aidules

Konye kotoma Yesu ayuara eong apaarasia kere

Aenik eong ekatau toma agoola naka aiyengun,

Mam bobo aikwang angololin nuarokok;

Epedorete ikwamin aikut kokwap naka aidules

Konye kotoma Yesu ayuara eong apaarasia kere

Kocaikinai eong, (Kocamak amorokin nuka aica naka Aibuses, wu Ejakait) Ejakait, kocaikinai eong.

Kocaik eong Aica nakotoma togo loka aica;

Oo, kocaikinai eong, Ejakait, kocaikinai eong, (Ekeikisi Nges awokokanin.)

Kocaik eong Aica nakotoma togo loka aica.

Aput kede Yesu, (Eebo, Ejakait.) aput kede Yesu,

Kotoma akwap akoto eong aput kede Nges;

Angetakin erotoka kere loka aijar anyoun akwap kiton Abuses,

Elipit eong bon aput kede Nges.

[Kogeuni Onac Branham airukokin ekosio-Ekewa.]

...Wu Eketajaran lokaumokin,

Kotoma akwap akoto eong aput kede Nges;

Angetakin erotoka kere loka aijar anyoun akwap kiton Abuses

141 Ijo ipuda ajaun kede AijaraKe ejari kotomakon, aitodiarit AjakutuKe? Arai ti ikoto ijo, ido mam ber ijo kidumonitor, konyou ber kanuka ailip? Ngul luekotos aiitunio kotoma ailip. Kisirereng Edeke ijo.

Kotoma atuba naka Betelekem...(Kosalak ibwoi kwana, kosalak ibwoi...)... abu Epejonon kobu, (ibuni ijo araut epejonon nejai akwap.)

Kotoma akwap akoto eong aput kede Nges;

Angetakin erotoka kere loka aijar anyoun akwap kiton Abuses,

Elipit eong bon aput kede Nges.

Aput bon kede Yesu, aput kede Ye-...(Ngol nges ekaipud.)

Kotoma akwap akoto eong aput kede Nges;

Angetakin erotoka kere loka aijar anyoun akwap kiton Abuses,

Elipit eong bon aput kede Nges.

[Onac Branham irukokini ekosio-Ekewa.]

...kaitidisiara, kaiyapaara ido kaitidisiara.

142 Kwana, Papa Lokotoma Akuj, ebwoete luipu kakejenekec luipudas aijaun Ijo. Apasata kes nu nuka ailemitemitoi, komam ejenete neelose, kotoma akailan nuka aijar; ido kojenete ebe aticepak eroko iwalara apaaran epalari etau eiyeng, kosodi akailat nakapolon, aibiritoi naka akipi kwap, koingarenikec, etau loilemo. Eraas lem kesi kwape kes ikulepek, eraas lem kesi kwape akwapin, konye ekotosi kesi aputokin kede Ijo kwana, Ejakait. Kijau kes toma Akabakanutukon, eraas kesi luKon, Papa, naarai ijeni Ijo ikecetaun. Ido iwadikat Ijo ngin, kosodi alimun ngin kede Aitukukon Elopel, "Ngin yeniirari Akakiro, kosodi aiyuun Ngol lokejukuni, ejaas kede Aijar Namam Edaun." Ibala bobo Ijo ebe, Ejakait, "Isirerengitai ngin yenesiomi ka ngin yeniirari akiro nuka adwaranut naka Eitabo kalo, naarai eyapie apak." Amisiikisi kesi ebe eyapie apak. Mam kes epedorete aiyatakin ailemitemo, wu Ejakait. Kocak kinga ekokoro loka aijar, kiriu kes mamaKon, wu Ejakait. Kolototo kesi agear akuar na, kitodiaritos Aica naka Yesu Kristo. Etingikini eong kes nejai Ijo, wu Papa Edeke, Kokiror loka Yesu. Kotupata kesi Ejakait kede aiyapaara kotoma aibatisao naka Emoyo Lokalaunan kane kokanisa; kibwaik Emoyo Lokalaunan toma aijarakec tetere kes eputokinos kede Yesu apaarasia kere nuka aijarakec ilipi isio ngun KOKiroriKe.

143 Aput kede Yesu, aput kede...

Ice kotoma kayesi kere ibwoiete kosiep arai iboiete kosiep naka itunga kangul, luiraas Ikristayon, ikunyak ido koting akecekan kosodi ayogan. Kidokok akanikon mamakec, "Kituritete Edeke kanuka ekonitau." Ileleba iwokitemuan kane kede idwe ka iboro, mam oni ipedori ayangaun kes kuju lailo.

Angetakin alosit naka aijar, anyoun kakwap kiton Abuses

Elipit eong bon aputokin kede Yesu

Kocaik eong Aica nakotoma togo;

Oo, kocaik eong, Ejakait, kacaikinai eong,

Kocaik eong Aica nakotoma togo.

144 Ijo ipupi ejok cut? Ijo mam ipupi ejok? Yesi mam iyalamasi Ikristayon? Kiyogaikinos kede idiotunganan yeniboie kosiepikon kwana, kwape kilosio oni awoere ekosio, *Ibuni Oni Alosit Kotoma Aica*, Aica na naibus, Aica naka Ejakait Yesu Kristo itodiaritai kotoma akuan.

Ibuni oni alosit kotoma Aica, Aica naibus kwape kangin,

Kobia neecatar akopio nuka aitim;

Ecaete kere airimor oni, paaran ka kuare,

Yesu, Nges Aica naka akwap

Kowo ngol, nginitunganan:

Ibuni oni alosit kotoma Aica, Aica naibus kwape kangin,

Kobia necaiata akopio nuka aitim;

Ecaete alukunit oni, paaran ka kuare,

Yesu, nges Aica naka akwap
 Kopotu yesi kere lukalaunan luka kolimosi,
 Yesu nges Aica naka akwap;
 Eruikinete do ikidei luka Akuj,
 Wu Yesu, Aica naka akwap.
 Ikeu akonikan kuju kwana:
 Ibuni oni alosit kotoma Aica,
 Aica naibus kwape kangin,
 Kobia necaiata akopio nuka aitim; alukunit oni, paaran ka kuare,
 Yesu, nges Aica naka akwap
 Ibuni oni ainyikokinit alosit kotoma Aica, Aica naibus kwape kangin,
 Kobia necaiata akopio nuka aitim;
 Ecaete alukunit oni kere, paaran ka kuare,
 Yesu, nges Aica naka akwap.
 Ibuni oni alosit kotoma Aica (Aica naka Eijiri),Aica naibus,
 Ebuni necaiata akopio nuka asianut.
 Ecaete alukunit oni, paaran ka kuare,
 Yesu, erai Ngesi Aica naka akwap.

145 Kokau kotoma ageunet, koPentekosit neadoikinio Emoyo Lokalaunan neejai Ekanisa. Abu Aisiiraret kijesun kwap kiton Sumuruna; abwoi Irenaeus, lokalaunan lokaumokin loka Edeke, kinera kotoma angajepa, apedor naka Edeke, itajarununei lukatwak, kitangali lukadekak, alosi da ngesi kotoma Aica. Akauloke, kobuni Columba, lokalaunan lokapedor lokaumokin loka Edeke. Luipu kotoma lukalaunak lokaumokin eyangaunete Aisiiraret aijesunor kwap, kolosete kotoma Aica, Aica naka Akiro Nukajokak, Aica ngipengin nacai ko Pentekosit; Kristo ebwoi kakidingos naka Iketunga, ido ipirin lukatalai ikanyikaarei luka esabu ngul itodiaritos Akeica kwape akolong kotoma akidingos naka aidopit naka akemwanis.

Kane kijai oni toma okar 1961:
 Ibuni oni alosit kotoma Aica, Aica naibus,
 Ebuni necaatar akopio nuka asianut.
 Oo, Ecai alukunit oni kere, paaran ka kuare,
 Wu Yesu, ngesi Aica naka akwap.
 Abwaata:
 Ibuni oni anyikokinit alosit kotoma Aica, Aica naibus teni,
 Ebuni necaiata akopio nuka asianut.
 Ecai alukunit oni, paaran ka kuare,
 Yesu, erai Ngesi Aica naka akwap.
 Ijo imina Nges?
 Amina eong Nges, amina eong Nges,
 Naarai (erai kanu naarai) abu Ngesi ageu amin eong,
 Kosodi aitac akaitajario
 Kokitoi loka Kalvari.

146 Mam bobo abongor oboro luka akwap. Atwana eong nejai akwap ido atwana akwap neka. Alosi do eong kotoma Krsito, kengarenikite Emoyo Lokalaunan. Amina eong Nges, ido ecaikinit Ngesi aKerereng

neajai eong, koinakinite eong akan nakoteten naka eidicane toma AkabakanutuKe. Kwana irai do oni odwe ka adwe nuka Edeke, ido mam ber itakanunit nuibuni oni araun kotoma angeset; konye ijeni oni ebe ibuni oni ajaun kede akuan kwape kanaKe elopet akuan naka Aibuses, naarai ibuni oni aanyun Nges kwape kejaar.

Kwangin ibuni do oni alosit kotoma Aica, Aica naibus,
Naebuni necaiata akopio nuka aitim;
Ecai alukunit oni, apaaran ka akuar,
Yesu nges Aica naka akwap.

147 Ijo imina Nges? ijeni ijo, akaulo naka aisiiraret ajengejeng ka nginibore kere, akoto eong aiirar itunga elomarete toma okososio kosodete alosit komaete ido kowoete kotoma Omoyo. Enamei ibore yenibus noi adepar awoere najokan namojong. Edolit ngin. Amina eong awoere nakopentekosit najokan naka epitene lomojong mere iporotoi ngul luitutuoritari noi luimakakina kiton aisikakin ka aijulakin nebululu koreetin, ido komam ejenete nuejaas kesi aswam. Amina eong itunganan yenimam aticepak epedori adakit ekosio kotoma akalaya konye kojaatar Arereng naka Pentekosit, kwana ejai ngesi awoere nuikamunitos ngin. Oo, eipone-eipone loibusiatar ikososio ngul lujirijirio luka emusalaba! Oo, ikatunga!

148 Ewokokosio loka aitwar kwana:

Koyanga Ekiror loka Yesu kede ijo,
Ikoku yenaitirur ka ican;
Ebuni ainakin ijo aiyalama ka ainapakin
Koyanga ngol neilosio ijo kere.
Akuar naka moi kosawa ediopet, kosawa ediopet toma, ogeunos aijanakineta.
Ikuko kOkiror loka Yesu,
Kibirokina AkejeneKe,
Ibuni oni aitanap Nges aboko kwape ekabaka loka ikabakan kotoma Akuj,
Kengetakin awokolosit.
Kawooto kere kwana:
Koyanga Ekiror loka Yesu kede ijo,
Ikoku yenaiturur ka ican;
Ebuni ainakin ijo aiyalama ka ainapakin
Koyanga ngol neilosio ijo kere.
Ekiror loketiai, Oo, ejijim biai!
Amun naka akwap ka aiyalama naka Akuj;
Ekiror loketiai, Oo, ejijim biai! (Ejijim biai!)
Amun naka akwap ka aiyalama naka Akuj.

149 Kwana ingetak oni atibong na. E...engisitai eong kwape kwana, "Arai ejaun aijanakin tupuruc?" Mam, mere moi, kodum aiyengun najokan akuar naka moi, mam eong abuni apedor ainyikokin aisiiraret ngin kalaingol, kwangin abuni eong ainyikokin apaaran naetupakini. Ediosawa loekurwokina eong kotoma e..aisiiraret na naileleba, esukunyari eong ngin apaaran naetupakini. Konye ijaatar oni na esipokinitai, ajeni eong ebe ikapakina yesi kanuka Aturio nuka Ekanisa. Mam? Eebo.

Ketuluroto awokokwes kwap kwape kiwoio elilinga kwana:
Kikuko kokiror loka Yesu, (kanginingajep elimori ngin)
Kibirokina akejeneaKe,
Kiponi aitanap Nges aboko kwape Ekabaka loka ikabakan kotoma Akuj,
Kengetakin alosit

Ekiror loketiai, Oo, ejjim biai!

Amun naka akwap ka aiyalama naka Akuj;

Ekiror loketiai, Oo, ejjim biai! (Ejjim biai!)

Amun naka akwap ka aiyalama naka Akuj.



www.messagehub.info

Nuelimonokinit

William Marrion Branham

"... toma apaarasia nuka eporoto..." Apuk. 10:7